


PN  
6129  
T8N8  
1891












## مؤلفك كتابلى و فيثاتلى

### فيثات غروش

- |    |      |   |
|----|------|---|
| ۳  | ۱ .  | تطبيقات منشآت                           |
| ۶  | ۲ .  | مطول صرف عثمانى                         |
| ۵  | ۳ .  | مفتاح مطول صرف عثمانى                   |
| ۳  | ۴ .  | مختصر صرف عثمانى                        |
| ۳  | ۵ .  | خلاصة قوانين عثمانية                    |
|    | ۶ .  | علاوهلى كلدسته محركات رسميه و غير رسميه |
| ۶  |      | (رقعهلى)                                |
| ۲- | ۷ .  | مختصر كلدسته محركات (رقعهلى)            |
| ۴  | ۸ .  | نظائر مجموعهسى                          |
| ۲- | ۹ .  | رهبر ترجمه از فرانسوى بتركى             |
| ۱  | ۱۰ . | رسملى اكسير القباى عثمانى (سكرنجى طبع)  |
| ۲- | ۱۱ . | تجار منشآت                              |
| ۲- | ۱۲ . | هميانچه منتخبات فارسىه                  |
| ۱- | ۱۳ . | لطائف آثار (رقعهلى)                     |
| ۱  | ۱۴ . | القباى عثمانى (فرانسزجه)                |
| ۲  | ۱۵ . | لطائف آثار (مفرداتى فرانسزجهلى)         |
| ۵  | ۱۶ . | معلم انشا (مفتاح تطبيقات منشآت)         |








تأجدار معالی افکار افندمژك عنایتدیده سی اولان جمعیت علمیه عاجزانه من  
 دخی بویله بر کونده حصه مند مباحثات اوله رق عاجزانه و حقیرانه عرض  
 تبریک و عبودیت ایتمکله کسب مفخرت فراوان ایلر .  
 نیجه نیجه مآثر جلیله ملکپوری پادشاهی تشکرات عمومیه نك برر  
 هیکل معنویسی حکمنده میدان آرای اشتار اولدیغندن هر نه طرفه احاله  
 نظر حقائقین ایدیه جك اولسه بر اثر جلیل شهریاری تجلی ایدر .  
 ان شاه بو همم سنیه نیجه ایام و اعوام سعادتیز مفارق انام اوله رق  
 ملک و دولت واصل اقصای درجات مسعودیت اولور .  
 همان اول شهنشاهی رب الانام  
 ایده تخت دولته شاد و بکام

(وهی)





سلوك اكلانه برقات دها غيرت و اقدام ايله هر حالده هدف آملنز اولان  
رضای معالی ارتضای حضرت خلافتپناهیك استحصالتنه و عامه نك رغبت  
و حرمتهك استیلا بنه سعی و اهتمام اولنه جغنی وعد و تأمین ایلرم .  
همان جناب حق عمر و شوكت حضرت پادشاهی بی روز افزون  
و ممالك شاهانه سنك هر گوشه سنده بویله بیوك مکتبلر کسادینه موفق  
بیورسون . »

( منیف پاشا )

## ۳۱

### تبریک عید سعید مناسبتیه

خدای مستعان زینتبخش دیهم عثمانیان ولی نعمت بی امتنان افندمر  
حضرتلرینی نیجه نیجه امثالنی مشاهده ايله شادمان بیورسون آمین .  
بو کون عید سعید فطرک برنجی روز مسعدت بروزی اولدیقندن  
عموم بندکان آستان خلافت و سلطنت ، و بتون افراد ملت ، مستغرق انواع  
عنایات و اشفاق اولدقلری شهریار اعظم و اقدس لریله برلکده ینه اجرای  
عید بهجت بدید ایتملرندن طولایی باکال شادی دعالر ایدیورلر .  
یزدان بی زوالک جله مزه بر عنایت مخصوصه سی اولان پادشاهمزه  
سایه عنایتلرنده هر کونمز بر روز عید در دینلسه تمامیه موافق حقیقت  
بر افاده بولنلش اولور .

پدر مشفق عومیز اولان پادشاه داد کر و شهریار معالیکستر افندمر  
حضرتلرینک عنایات سیندلری بویله کونلرده باخاصه خاطر آرای اصدقادر .



## توزیع مکافات مناسبتیه

مأمورین و معلمین حسن همتاریه مکتبک امور اداره و تدریسیه سی  
کماکان محور لایقنده و تربیه و تعلیم ابتدائی شاکردانک تحصیلاریده مطلوب  
درجه ده اولدیغنی بو مناسبتله مع الممنونیه و علی رؤس الشهاده بیان  
ایدرم .

بو مکتب سلطانی معارف خدمتنده بولندیغ ائشاده تأسیس اولنان  
مکاتبدن اولدیغندن بقاسی ، ترقیسی ، و حسن حالی حقنده سائرلرندن زیاده  
علاقه دارم .


نتایج حسنہ سنک انظار عمومیهیه عرض وارائسنه مخصوص اولان  
بویله رسمی کونلرده حاضر بولنق بنجه موجب کمال فخر و مسرتدر .  
بالجمله خیرخواهان دولت و ترقی جویان مملکت نظرنده لزوم و  
اهمیتی آشکار اولان بو مقوله مؤسسات خیریه نك فرائندن غافل اولان  
و یاخود اغراض نفسانیدلرینه تابع بولنان بعض اشخاصک طعن  
و تعریضندن مصون اوله مامسی جای تأسفدر .

فقط حامی علم و عرفان و ناشر عدل و احسان اولان ولی نعمت  
بیتمز پادشاهمز افندمز حضر تلرینک صحابت جلیله شهریاریلری سایه سنده  
او مقوله اعتراضات و اهیه نك قطعاً حکم و تأثیری اوله میه جغنی بی اشتباهدر .  
کرم معارف نظارتی و کرم مکتب اداره سی عهدۀ مأموریت و جیتلرینه  
مترتب اولدیغنی و جهله هر حالده حبل المتین صدق و استقامته تمسک  
و موفقیات علیه صمدانیده توسل ایله و سائظمز مساعد اولدیغی مرتبه  
مکتبک تنظیم و اصلاحنه و باخصوص تهذیب اخلاقه مدار اوله جق در .



رفیقلرکز ایچون بغایت آجیلو کدرلو و الملودر چونکه واره واره  
 نهایت بوکون آیریلق کوریسنه واردق و بوندن اوته سزک ایلرو و  
 بزمدخی کیرو کتمه مز لازمکلور . موتلو اول کونلره که صباحدن  
 اقسامه قدر بر سالونده بر قبه مقدس زیرنده برابرجه درس اوقور  
 کتابلره طالار ، مذاکره لر ایدر ، طاتلو طاتلو قوکیشور ، دیانت ، ملت  
 معرفت ، مروت ، والحاصل انسان اولادینه لازم اولان انواع فضیلتلردن  
 کوزل کوزل بحثلر ایدر ، هر بار کمالکردن استفاده ایلر ، وتنزه زمانلرنده  
 ایسه معصومانه اویناشور ، و قول قوله کزینور ایدک . ایمدی بویهجه  
 خوش کچینن عزیز احباب و ارقداشلر بیننه آیریلق دوشسه درونلرده  
 حزن و کدر پیدا اولماق قابلیدر ؟ فقط نه چاره مستقبل بزه باغریور  
 یورو یورو دائم ایلرو ایمدی طورمغه کلز . سز عالم کاله کچیورسکز  
 بز دخی اذن و کرم مولا ایله انحق سال آتیده بو وقتده سزله قاوشه .  
 جغمزدن همان حسرتکشانه مبارک یوزلرکزه باقدرق مولای متعالدن دیلرم  
 که دائم بیه کزجه اولسون . کافئه اموریکزی موفق باخیر ایلسون . وارک  
 سلامتله ، عزت ایله ، عافیت و کمال اقبال ایله .

( مهری )





متهی چیقان طلبیه خطاباً مکتب آرقداشلرندن بری طرفندن

### ایراد اولنان الوداع نطقی

بو نه کوندر بو کون ؟ بو نه ساعتدر که بکوریورز ؟ وارمی اولیه  
بر ساعت که هم سویلی و هم الملی اولسون ؟ اکر وار ایسه اوده بو  
ساعتدر . زیرا کوکلرمزده هم سونج وار هم کدر . اوت سونجمز  
وار چونکه جناب مولانک لطف و عنایتیه بو کون بر بیوک چله دن  
چقیورسکز بورایه کلدیکه کزده بز مثالی خام معدن ایکن بو کون تام  
عیارده پوته دن کچمش التون کبی شانلو چلنکر ایله بازار عالمه عالم کاله  
کیدیورسکز .

بو کون یدلرکزه شهادتنامه نایله بر رجت و پرلدی که بو جتار کندی  
نظر مزده اولیه آتالردن قالله باغلر باغچدلر یالیر قوناقلر کبی فانی و بر  
ساعتده الدن زائل اوله ییلور شیلر جتی اولیوب الا دنیاده اک قیتملی و  
اک معزز اولان علم و معرفت ، غیرت و استقامت ، حسن اخلاق و  
طبیعت شهادتنامه سی اولدیغی کورلدی . بو کونکی زیتلر ، هر طرفدن  
یاغان آلقشلر ، آفرینلر ، اکر قسماً بزم ایچون ایسه باشلوجه سزک  
ایچوندر . و نته کیم بزده سزلری از جان و دل سونلردنر البته که  
سزلره اولان ایولکدن ، شاندن ، شرفدن بزده حصه دارز اشته سونجمزک  
و افتخارمزک سبی بونلردر .

فقط نه چاره که بو سونجه بر آجی قاتلشدر و بو آجی ظن ایتیم که  
کچیجی برشی اولسون . اوت بو کون بو ساعت بنده کز مثالی برادر و

واعتقاد عاجزانة بجه اولادلريني يالكز مال و منال ايله قانع ايدن بابالرك  
اكثري تجارب مسبوقة دخي شاهد اولديغي وجهله اولادلرينك پنجه  
سفاهت و عطالته دوشملرينه و نهايه الامر خائب و خاسر فلس اجره محتاج  
اولملرينه بادي اولمقده درلر .

اصل پدر ذكي و حقيقي وار قوتى و ما حصل عمرينى غنى غنى اولاد .  
لرينك تعليم و تربيه سنه حصر ايدوب بر قاج سنه لك بر زحمتدن صكره  
هم كندوسنى و همده اولاد و احفادى عظيم بر ثروت و اقتداره مالك  
و عمر نعيمه نائل ايدر .

ايمدى جانمزدن عزيز حرمتلو و شفقتلو پدران و سائر ولى نعمتان  
جناب الله سعى و همتكزى مشكور ايلسون اشته بوكون مطلب و مقصد  
مبارككزه واصل اولديكز بزلرى بويله بر منتظم و مكمل مكتبه و شفقتلو  
مدبران و اهل و ارباب خواجكانك صحبت و همتنه توديع ايتمكله بزلرى  
طوغرىسى تمز و توكمز و هيچ بر قضا و آقندن قورقز عظيم بر سرما -  
يه يه مالك ايلديكز و بو بابده هيچ بر فداكارلغى دريغ ايتمديكز ايمدى  
بز قوللركزده بو جمله احوالى و بونجه مزاجى بيلهرك بئل ما حصل  
غيرتله مطلوب و دخواهكز وجه اوزره نور علمله منور اولهرق بتكرار  
آغوش شفقتكزه كمش اولديغمزدن همان ربم تعالى كرك سزلرى و كرك  
مدبران و خواجكان افنديلرمزى آسمان طور دقجه وار و برخوردار  
ايلسون بزلرى دائم الاوقات طريق فيض و استقامتمده پايدار ايلوب  
بر آن رضا و خوشنوديكزدن و نعمتشاسلق وظيفه سندن آرمسون آمين .

( مهرى )



(جداً ثم جداً يا رب الحميد)

(اولدق همعصر سلطان عبد الحميد)

(ايله ابدله ممنون بر تخت مجيد)

(باعز و شوكت و صحت جيد)

(دشمن دولتي اوله نابديد)

(امور سلطنتي سهل و سديد)

### ايمدى افنديلرم

آتالمزدن قالمه بر مثل مشهور واردر كه دبر [من جد وجد] اشته  
 شو مثل حكمنجه صغر سمنزدنبرو كرك سرك و كرك بزم طرفدن مقادياً  
 كوستريلان غيرت و اقدامك ثمره سي اولق اوزره بو دنعه منتهى اولدق  
 و فوق اللياقه تلطف بيورلدق بناءً عليه تبريكلر اولسون . مراد من  
 ظلمت جهالتدن قورتلق ، علم و عرفانه مهما امكن متخلى اولق ، آنكله  
 الى اخر العمر سرمايه حيات ايدنك و بشريته خادم اولق ايدى .  
 شكرلر اولسون سايه همكزله عهدۀ تدريسلىرینه احاله اولنديغيمز  
 خواجكان ذوى الاهتمام دلاتيله حقيقۀ بيوك بيوك دفينه لره مالك اولدق  
 و شمدى بوكا مقابل هر نه ايتسهك حق تشكريني ايفا ايدهميه جكمزدن  
 عمر من اولدقجه نعمت همكارينه بورجلو قاله جغمزى مع الافتخار بيان  
 ايلرز .

اول زمان پدرلى اولاد و احفادلىنك تأمين استقبالىرى ايمچون  
 باغ و بغيچه و مال و منال بر اقورلر ايكن زمانه پدرلى همان  
 اكثري زمان حال اقتضاسيله بو باده عاجز قالمقده ايسدهده جكمپاره لريني  
 التون و كموشدن غايت معزز بر سرمايه ايله يعنى علم و عرفانه و آداب و تربيه  
 و حسن اخلاق ايله احيا ايلمكده درلر . عجباً كنديني بيلن بر اولاد و  
 دور انديش بر پدر بو ايكي شقك قنغيسىن ترجيح و آرزو ايدر ؟ ظن

## توزیع مکافات مناسبیه

عزیز پدرلو و محترم افندیلر

بمنه تعالی مدت تدریسیده سنی بو دفعه اکیال ایتش اولان بو عاجزلری دیگر اقران کتراندم مثللو وظیفه شکرگذاری یی ایفا ایچون بعض حسیات صمیمه عاجزانهمک مجلاً بسط و بیانی ضمننده مساعدۀ علیه کزی استرحام ایلر و بوکا بدأ ایتزدن اقدم مقدس بر وظیفه یی ادایه مسارعت ایدرم شویله که

وجود همایونلری محضاً جمیع عالمه بر لطف و بخشایش الهی اولان پادشاه معارفپرور و شهریار عاطقتکستر افندمن پدر مشفقمر سلطان غازی (عبد الحمید) خان ثانی حضرترلی تخت عالیخت عثمانیه جلوس همایونلرندنبرو مقتضای درایت و کرامت ظل الیهلریله دولت و ملت عثمانیه یی پک چوق آفات و غوائل عظیمه دن خلاص بیورمش و شان و شوکت سلطنت سنیه یی قات قات تزید ایلش و بونلره علاوه بتون ممالک عثمانیه یی منابع علم و عرفانه طولدیره رق اولاد وطنی امثالی نامسبق صورتده احیا بیورمش و کوندن کونه عموم زیر دستان شاهانه لرینک سلامت حالی خصوصنه تعطفات جدیده و جلیله جهانبا نیلرینی بیدریغ و مبذول بیورمقده اولمغین همان اوتهدنبرو مکتبچه ورد زبان مصادقت ایلش اولدیغمر کفته یی بو کون دخی تیمناً علناً تکرار ایله کسب فخر ایلرم .



اولاد وطنه ایديله جك اك بيوك خدمت ايسه انلره سعادت دنيويه و اخرويه يي قزانديره جق بر قزانجه دلالت ايتكدن عبارتدر كه اوده تحصيل علم و معرفتدر

تحصيل علم و معرفت دار التعاليمه محتاجدر كه بونلرده پادشاه دل آگاه افندمز حضرتلرينك سايه شاهانه لونده چوغاليور .

ينه اوسايه مقدسده در كه ملكمزده سائر ترقيات نافعۀ مدنيه دخي شمندوفر حيزينه مشابه بر سرعته ايلري كيده يور . سوزم طوغريدر . هله ماضي يه بر نظر رجعي عطف اولنسون .

عصر حاضر حضرت پادشاهينك ترقياتيله اسكي حالمز موازنه بيورلسون . اول وقت شو سوزمك عين حقيقت اولديغي تردسز تسليم اولنور . اوت ! محقق بيلملي يز كه دولت عليه نك تاريخ تأسسندنبري كه التي يوز بوقدر بيلدر ؛ عثمانلير اشبو دور حضرت عبد الحميد خاني كبي بر دور مسعود ترقى كور مامشدر .

بر دليلزده بوكون سايه شاهانه لونده تأسيسيله مفتخر اولديغمز شو مكتب عاليدر .

بو بر مكتبدر كه قپولري - جنس و ملت ، دين و مذهب تفريق ايتميرك - عموماً اولاد وطنه آچيق طوتيله جقدر .

ان سالا الله شوكتآب افندمز حضرتلرينك سايه ملوكانه لونده اشبو مكتب فيضدن نجه ارباب قابليت و استعداد يتشه جقدر كه بر زمان ده مقدس وظنمز آنلره افتخار ايده جقدر .

آنكچون بن دخي يوزيمي محراب ملكوته چويره رك مسبب الاسباب و مسهل الصعاب اولان الله ذوالجلاله عظيم شكرلر ايدر م كه سايه سامي ولى النعمته نفعي عمومه شامل بويله بر تأسيس نفيس علمينك برنجي طاشني قويغه بو عاجز قولني موفق بيورمشدر .

( سري پاشا )

افندیلر !

سزى تبشیر ایدرم . استقبالمز امیندر .  
 علوهمت خلوص نیتہ مقارن اولورسه هانکی مشکل وار که اقتحام  
 اولندهسون ؟

واقعا بعضا بر بلوط پارچہسی ده کونشه حائل اوله بیلیر ! لکن ممکن  
 دکل آنک ضیاسنی محو ایده مز . آن اولور که ینہ پرتوریز انجلا اولور .  
 حقیقت ده اوילה در .

بلوطک کونشه حیلولتی قیلندن اوله رق بعضا روی حقیقتده موقت  
 پرده چکن بولنور اما ممکن دکل آتی ستر ایده مز . زمان اولور که ینہ  
 پرده بر انداز و رونما اولور .

ایشته بو کون اوילה بر حقیقت و امید کونشنک پارلاق ضیالری کوز-  
 لرمزی قاشدیروب طوریمور .

مدنیت و معرفت دینلان عطایای قدرت دخی سیل خروشانه بکزر که  
 اکاهیم بر شی سدراه اوله مز . قارشوسنه کلانی طاغ قدر قوی ده اولسه  
 خس و خاشاک کی سیلر سپورر .

بو کون بزده اوילה بر موج طوفانخیز ترقی اوکنده بولنیورز که توفیق  
 الهی و سائقه نفوذ پادشاهی ایلہ بزى ایستر ایسته مز ایلری سوروب  
 کوتوره جکدر .

آنکچون ینہ تکرار ایدرم که استقبالمز امیندر .

افندیلر !

معلومکز در که وطن ، اولاد وطن ایچون سویلیر .



رستم بك بن خسرو بك بن امير سليمانك اوغلى اولوب نفس سليمانيه ده  
مهد آرای شهود اولمشدر .

نسب شريفلری سيف جهاد ايله دائره اسلامى توسيع ايدن خالد بن  
الوليد رضى اه تعالى عنه حضرتلرينه منتهى اولور .

سليمانيه و كركوكده برر مدت تدريس ايله اشتغال ايدوب مؤخرأ  
على رضا پاشانك بغداد و اليكلى زماننده صيت فضل و كمالى كندوسنى  
مدينه دارالسلامه چكوب كوتورمشدر .

بغدادده تشريفى تاريخى لفظاً و معناً مبين اولان ( هزارودويست پنجاه  
وهفت ) مصراعى كندى لسان عرفان بيانندن صادر اولمش نوادر ابدنددر .  
مقام اقباه شرفبخش اولسى مرحوم رشيد پاشانك زمانده مصادفدر .  
اووقتدن بو سنده قدر اوليه مسندجليلك حقى ويرمش و كندى نام  
جليلنى بو سبيله ده دفتر اعظمك اك پارلاق صحيفدلينه چكورمشدر .

نهايت چكن شهر عربنك اوچنجى ائين كيجدهسى ساعت اتى راده لرنده  
مرغ روح پرفتوحى شهر كشاي اوج عليهن اولمغله بالجله مخبان علم  
و معرفتى و شرفداران عالم انسانيتى داغدار تأسف ايلدى .

تشيع جنازه ده دولتو والى و مشير پاشالر حضرتاييله اثر امرای  
عسكريه و مأمورين محليه و سادات و علمای كرام و معتبران اهالى  
دارالسلامدن بيككرجه ذوات حاضر بولنوب جلوهسى اظهار آثار ماتمله  
مرحوم و مغفور مشاراليه فاتحه خوان اولمشدر .

رحه اه تعالى رجه واسعه

( سرى پاشا )

قدسیه لرندن اقتباس فیض عرفان ایله اجازتنامه اخذیچون تاهندستان کبی اقاویء ممالک و بلداندن بیه کندوسنه مراجعت ایدنلر کثیر ایدی .

فضائل مکتسبه دن ماعدا خلقه حائر اولدینی علویت طبع ، رزانت رأی ، اصابت ظن ، حدت ذکا ، خلوص نیت ، حسن طبیعت مثلاًو خصائل بر کزیده نك هر بری حضرت استادك عظمت قدرینه ، علو شاننه بر برهان منیر ایدی .

هله سرعت انتقال ایله برابر قوه حافظه سی حقیقه هر کسه میسر اولمیان خصائص جلیله دن ایدی .

بر کره جك کوز کزدیرمکله و یا ایشتمکله کنجینه حافظه سنه آلمش اولدینی جواهر زواهر الفاظ و عباراتی اوتوز قرق سنه صکره حرفیاً تکرار ایده جك کبی پک چوق خوارق و بدایع طبیعتک ، علوفطرتک مظهری ایدی که بو مزیات عالیهنک هر بری استعداد کمال و کمال استعداد ایله مفظور اولدیغنه دلیل بی عدیلدر .

فنی ، ادبی ، سیاسی هر بحث اوزرینه مقامه مناسب حکیمانه مقاله لر ایراد ، السنه مختلفه اوزره ارتجالا بلیغ شعرلو انشاد انلک مرحوم مشارالیهی محبوب قلوب ایلان مواهب الهیه دن ایدی .

اوتوز سکز سنه دوام ایدن مدت افتاسی زماننده هیچ بر کسه یی رنجیده ایتماسی ده حکمت اداره یه کال و قوفنه دلالت ایدن احوال دن اولمغله ( زهاوی ) نامی بتون ملت اسلام نه قدر تقدیس ایتسه سزادر .

ایمدی زهاوی دینلن اولیه بر احسان سماوینک فوتنه کیم تاسف ایتمز؟ جد اعلاسی حسن بکک بر مدت زهاوده آرام کزین اولمسی و والدۀ مکرمه لرینک زهاو امراسندن بر ذاتک کریمه سی بولمسی زهاوی نسبتنه سیب اولمشدر .

یوقسه کندوسی اک اول بابا امیر سلیمان عنوانیه معنون اولمغله فامیلالر ( بابان ) تسمیه اولنان سلیمان پاشانک احقادندن میراحمد بن حسن بک بن



۲۶

مرثیه

نصل اسف اولنسون که ( استادکل ) نام معالی اتسامیله یاد اولنمغه  
لیق واحق اولان منقء بغداد زهاوی محمد فیضی افندی ترك دغدغه قیل  
و قال وداربقایه انتقال ایله دارالفنون عالمی وجود شریفندن خالی  
براقدی .

وجودی عموم ایچون مدار افتخار ، و علم و ادبک نمونه ذی روحی  
دینمکه سزاوار اولان بویه بر ذات جلیل القدرک غیوبت ابدیه سنه نصل  
اسف اولنسون !

زهاوی افندی بر استعداد خارق العاده ایله یارادلمش بر نادره زمان  
بر عمان عرفان ایدی .

زهاوی افندی هر انسان کاملی زینتدار ایدن نیجه فضائی حائر ، بالذات  
و بالواسطه یتشددیردیکی علمای اعلامک عددی ایکی بیکی متجاوز بر تحریر  
بی نظیر ، بر پیر روشن ضمیر ایدی .

اولیه بر کجینه علم و هنرک ضیاعنه هر مسلمان ، بلکه هر صاحب  
فضل و عرفان کریان اولسه کرکدر .

فاضل مشار الیه اولا علوم مدونه متعارفه نک قسم اعظمی والد ماجد  
لرندن اخذ و اقتباس ایله انک وفاتندن صکرده یکرمی یاشنده ایکن نجل  
الزکی دینمکله معروف اولان ساوجبلاغلی ملا محمد افندیدن اجازتنامه آلهرق  
مشار بالبنان اولمشدی .

بر عصره قدر امتداد ایدن مدت عمرینک صوک نفسنه دک تعلیم و تدر  
یسدن خالی قالمادی . مرحوم حلال عویصات علوم ایدی . انقاس

سعادت عظمایی بردن احراز ایتک یولنده پیرایه ساز امتیاز اولان کال سعی  
واقدا مندن حصه دار ممنونیت اولدیغم کبی تحدیث نعمت جلیله حضرت  
ولی نعمت ایچون ترتب ایدن تشکراتک اثر فعلیسی اولان ایشار تقدینه  
جان وظیفه مقدسه سنه مسلکم اقتضاسیجه کندولرینه اشتراک ایله حائز  
مباهات و مفخرت اولورم .

آفتاب علمتاب وجود همایونلری ، بارقه انداز آفاق سلطنت ، وانوار  
الطاف واشفاق مراحمونلری منورساز عیون ملت اولان جهانبان  
مکارمخصال ، و شهنشاه دریا نوال افندمز حضرتلرینک ، نیت  
قواند آیات ملوکانه لرینک باشلوجه سی ، علوم و معارفک انتشاریله سایه  
موفقیتوایه جناب ظل اللهیلرنده محامد فرمای حصول اولان ترقیاتک  
دوام واستقرارینه منحصر ومعطوف اولدوق شاکردانک حائز اولدیغی مایه  
استعداد وقابلیت ومعرض امتحانده ابراز ایلدکلری ملکه ومهارت دخی  
مقصد عالی مذکورک حصولی تأمین ایده جکنده استباهم یوقدر .

همان جناب حق شهریار معارفپرور وجهاندار مراحمکستر ولی نعمت  
بیتمز افندمز حضرتلرینی الی آخر القیام اورنک شوکت وسلطنتده  
مستدام وتحصیل معارفله اظهار مآثر کالده صرف ما حصل همت واقدام  
ایدن شاکردانی دخی مکافات وعواطف سنیهیه مظهریتله بکام بیورمی  
دعاسنه پادشاهم چوق یاشا مناجاتی تردیفاً ختم کفتار ایدرم .

(یوسف)





ممالك متمدنه دن كلوب حضور شوكتنشور شهریاریلرنده نائل شرف  
مئول اولنلر فطانت و درایت شاهانه لرینه مقتون اولدقلری کبی ملکک  
کالات مدنیه و ترقیات مادیه سنه خارق العاده بر همتله چالیشان ولی  
نعمتکزک اتخاذا بیوردقلری هر تدبیر جالب تقدیردر .

(جید وهی)

۲۵

مکتب فنون حربیه ده اوقونمشدر

جمله شاگردانک دهان تشکریانندن اولمق اوزره قرائت اولنان  
تشکرنامه نك مزایاسی ، سلک کزین عسکرینک قدر و فضیلت جلیله سیله  
بونى حائز اولنلر ایچون اغور میامن موفور جناب شاهانه ده فدایی جان  
ایتمک قدر مترتب اولان شکر و محمت وظیفه ناجیه سنی حاوی ، و شاگردانک  
موقع امتحانده نظر شکرانله کوریلان استعداد و اهلیتلى دخی او  
شرفی احراز و اکتسابه کافی اولمغله بو ایکی جهته ده بشقه بشقه بیان  
ممنونیت ایلرم .

فی الحقیقه شو عالمده اک بیوک بر شرف تصور اولنسه ، فضل و کمال  
واک ایلرو برشان و اعتبار آرانلسه او دخی عسکرک مزیتی اوله جنی  
مستغنی قید استدلالدر .

بناء علیه اشبو مکتب فیض مکسبه دوام ایدن ابنای وطنک ، شوايکی

ظاهری و باطنی ترفیه حال عباد خصوصندہ کی عنایات ولی النعمی  
جلہء عالیہ سندن اولہرق اک کمینہ بر عاجزک اک اوزاق بر محلدن عرض  
ایتدیکی استعطافنامہ یہ احالہ انظار دقت و عنایت بیورلمقده در .

عقبہ فلکمربتہ شوکتیناہی داد خواہان ایچون بر ملجأ کر مکستردر .  
غایت مقصد ہمایون دولتک خارجاً محافظہ شان و شرفی و داخلأ  
ہرکسک تأمین سعادت حالی اولوب نفس نفیس ہمایونلرینی بو یولہ وقف  
ایتمش اولدقلرندن، و بو یولہ بودرجہ فداکارلق اسلاف عظام ہمایونلر-  
ینک ہیچ برندہ کورلمدیکندن قدر و قیمت ولی النعمی بی بیلک وظیفہ ذمت  
قدر شناسیدر .

فیض مستعان ہمیشہ پادشاہمزہ شادی رسان اولہرق جلہمزک یوما  
فیوماً واصل درجات عالیات ترقی اولمقلغمزی بو یوم مبارکدہ لسان  
اخلاص ایلہ درکاہ قادر قیومدن استدعا فریضہ بندکان صداقت اتمادر .  
قلب ہر مستمندہ فرحجنش عنایت ، و دست ہر مستعطی یہ کر مبار عاطفت  
اولان ولی نعمت بیمنتز افندمزک ہر درلو آمال شاہانہلوی نزد باریدہ  
رہین اسعاف اولہرق سایہ شاہانہلوینک فرقرزدہ دائماً ممدود اولمی  
سعادت وطنیہمزک موقوف علیہدر .

کافہ محاسن اخلاقیہ بی طبایع عباده یرلشدیرمک و تربیہ معنویہمزی  
ایرولتمک جہتبحہ ابدالندن خالی قالمدقلری عنایات ایلہ پادشاہمز افندمز  
حضر تلری، ملک ہمایونلرینک محاسن معنویہسنہ پک چوق خدمت والحاصل  
او جہتبحہ دخی اسلافہ مسابقت بیورمشلردر .

کرمک مادی و کرمک معنوی نجاجز ، فلاجز ، اقبالمز ، سعادتمز  
محصول دست معالیہوستی اولان شہریار عنایتکارمزک یوم جلوسندہ کی  
مسرت قیاس قبول ایدہمز .

لطف باری ایلہ ہمیشہ تابندہ و درخشان اولان نجم طالع فرخندہ  
مطالع ولی النعمی عثمانیانک اختر سعادتیدر .



دولته انفع واسلم اولان طريقه سلوك اولنمقده در . چاره فوز و فلاجز هر نه ايسه هر خصوصه پادشاهمرك افكار مخصوصه مدققانه سي آني ميدانه چيقارمقده در . خالصانه و خيرخواهانه تسويه مصالح دولته همت اولنمقدن طولايي نيجه نيجه مشكلات بالسهوله تسويه پذير اولمش و محال ظن اولنان آمالده بيله شاهد موفقيت عرض جلال ايتمدر .

زير تابعيت جهانقيمت شهياري لرنده بولسان كافه تبعه صادقه حقنده كال مرحت و شفقت شاهانه لوي مسلم اولوب هر درلو آمال خيريه تبعه ترويج بيورلمقده در .

سايه عنايتوايه حضرت پادشاهي لرنده غوائل مخصوصه دولت پيايي مندفع اوله رق له الحمد دولتي باخلاصه صيغه جق بر غائله قالماش و ممالك سائر نك احوال ماليه سنده موازنه سرك كورلديكي شو زمانده دولتك مشكلات ماليه سي پك اهنون قالمشدر .

شمدي يه قدر امثالي ايشيدميان بر طرزده تحويلات اخيره مرك رغبت مخصوصه ايله پياسه لورده رواحياب اولسي يعني طلب ايتديكمز اچمك نيكه نيجه مثلي حضور اعتبارمزه عرض اولنهرق دولتمزه امنيت كوسترلمسي موفقيات سنيه حضرت پادشاهينك اك بيوك نشانه لرننددر .

صورت مخصوصه ده عهد و ميثاقزه رعايت اولنسي نزد معاليوفد حضرت پادشاهيده مطلوب و ملتزم اولوب بو دخي اعتبار سياسي موزه موجب قوت اوله رق دامن شان عثمانی عهدسكنلك لكه سيله لكه لئماش و زمان سعد اقتران حضرت شهياريده تعهدات جاريه دولت عهدود دوليه قيمت و اعتبارنده مظهر رعايت اولمشدر .

طوغريسي فضائل مخصوصه حضرت پادشاهي يي تعداد ايتك دولتك مآثر ترقيسي تعداد ديمك اولمغله ولي نعمت افندمرك اوصاف همايونلري قلوب اصداقايه شوق ويره جك مواددن اولوب بو يوم مسعودده فضائل مزبورده دن بحث ايتمكي كنديمزه سرمايه مخفرت بيلملي يز .

ایمدی بو مقصد مقدسه خدمت ، هم و اجبه ذمت ، هم دارینده  
موجب نجات و سلامتدر . عکسی ده باعث خسران و ندامتدر .  
نصاب عقله مالک اولانلر شبهه یوق که شق اولی اختیار ایدرلر .  
بناء علیه عموماً مأمورین ولایت و ارکان مملکتی بو فکر و مقصده  
متحد بوله جغمی و جله سندن مظهر معاونت کامله اوله جغمی فطانت  
مسئله لرندن مأمول ایلم .

همان جناب حق ، حیب اکرمی حرمتنه عمر و شوکت شاهانه یی  
مزداد و جله مزه توفیق الهیسی دائماً دلیل سیل رشاد بیورسون ، آمین .

## ۲۴

### جلوس همایون نطقی

افندیلر

پادشاه فاروقچاه ولی نعمت بیمنتز افندمز حضرتلرینک یوم مسعود  
جلوس همایونلرینه مصادف اولان اشبو یوم جلیل القدر سنه نك ایام  
سائرهمی اره سنده بر الماس شان و شرف منزله سنده شعشعه انکیز عیون  
حیتمندان و طنذر .

تاجدار معالی آثار افندمز حضرتلرینک محضاً همم مخصوصه ذاتیه  
شاهانه لری برکاتیه دولتمز دول معظمه میاننده پک بیوک قدر و شرف  
مادی و معنوی یه مالکدر .

ثمره اقدامات حضرت پادشاهی اوله رق امور داخلیه و خارجیه ده



آنکچون شاید مساعیزك مشكور اولدیغنی کورسهك بيله ، بوندن  
اصلاً متأثر و مأیوس اولمالی یز .  
زیرا خلقك عمومی خشنود اتمکی آرزو اتمك محالی تمنی دیمکدرکه ،  
عبدالر .

بزم خلقه ، حقّه قارشى بورجلو اولدیغمز وظیفه یی ایفا  
ایده بيله جکمزدن ، و ایده جکمزدن و جداناً امین اولمه من کافی در .  
باخصوص قلب انور همایونلری مشرق انوار الهامات اولان پادشاه  
حقائق آگاه افندمن حضرتلرینك نظر دقت شاهانه لوندن هیچ بر مأمورك  
هیچ بر حالی سیر و خنی دکلدنر .

بناءً علیه وظیفه شناس بر مأمور مقدم و مستقیم ایچون کیم نه دیرسه  
دیسون ، شوکتآب افندمن حضرتلری آنی نظر مرحت شاهانه لوندن  
اسقاط بیورمز لر .

گذران سن ، کثرت تجارب ، انسانه بیلدیکنی اوکره در ، فکری  
تتویر ایدر .

علو همتله خلوص نیت دخی صاحبنه جالب توفیقات و موجب نجات  
اولور .

بو سبيله درکه ، بن دخی معجزی اعتراف ایله برابر بوراده هر یردن  
زیاده دولت و مملکته حسن خدمتله طوف اشرف حضرت ولی نعمته  
جمله دن دعوات خیریه استجلا بنه موفق اوله جغمی الطاف الهیهدن امید  
ایلرم .

پادشاه رحیم و شفیقمز افندمن حضرتلرینك یکانه مقصد مقدس  
همایونلری بین الاهالی اجرای عدل و داد ایله تعمیر بلاد و ترفیه عباد  
قضیه سیدر . حکومتلرک ده علت غائیة تأسی بو در .

معارف و معابرک تعمیر و تنظیمی ، تجارت و زراعتك توسیعی کبی  
مسائل مهمه هپ بو اصلك فرعیدر لر .

بو جهته در كه ، ذات علياى كسى حكومت كبرالرى ده على  
و مقدسدر .

ايشته شمدى اوقونان امر على اويله بر پادشاه جامع المعالينك حكم  
شريفيدر كه ، مضمون منيفته اتباعه ديناً و سياست مجبورز .  
چونكه طرف الهيدن اطاعت اولى الامر ايله مأمورز .  
محققدر كه ، اقصاى مطالب اولان رضاء الله ، رضى پاك خلافت  
پناهيدن بشقه بر شىء دكلدر .

زيرا بزم متبوع مشروع مفخممز ، ولى نعمت بى منتز شوكتلو  
سلطان غازى ( عبدالحمد ) خان ثانى افندمز حضرتلرينك عنوان منشور  
خلافتپناهيلرى ظل الله فى العالمدر .

بناء عليه مجموع مساعيمز استحصال رضى خلافتپناهى به مصروف  
اولمليدر .

رضى پاك خلافتپناهى ، عدل و احسان قواعدى جامع اولان  
شريعت مطهره به تمسكه استحصال اولنور .  
شرع و قانون ، كفتين ميزان اعتدالدر .  
دنياده ، عقبايه اعمالز آنكله طارتيلىر .

بناء عليه يديمين همتمزده شريعتى ، يديسار دقتمزده قانونى طوتهرق  
هر فعل و حركتمزى آكا تطبيق ايتلى يز .

بو فكر و نيتله ايشه باشلايانلره جناب حق ده توفيقى رفيق ايدر .  
توفيق الهى ، رفيق طريق اولنجه منزل مقصوده و صول ، آسان اولور .  
الحاصل صلاح دين و دنيايه فوز و ظفر ايستين ، بو دائرة منجيه دن  
اصلا خروج ايتمز .

ايشته بزده الزم اولان بوراسيدر .  
بو وظيفه ي افادن صكره محصول مساعيمزك عندالناس مشكور اولوب  
اولمامسى مساويدر .



واحدك اقتدارى قضایای کلیات امورده مزایای حسنه انتاج ایده میه جکندن  
عدم موقعیت سبب اولان حرص و اغراضی کلیاً ترك ایده لم و بالاتفاق  
ولی نعمت پادشاهمز افندمز حضرتلرینه استجلاب دعوات خیریه ایچون  
عباد خدایی صیانتله طریق مستقیم عدالت کیده لم ، ممدوح اوله لم . « وهو  
على كل شيء قدير . »

( رشید پاشا )

## ۲۳

### نطق رسمی

انندیلر !

حکومتک علویتنی تصویر ایده بیلجک ( حکومت ) دن عالی برکله  
اولسیدی ، اوکله ( حکومت ) ه علم اولوردی .  
حکومت ، نفسنده بودرجه متعالیدر .  
بونکله برابر ارباب حکومتک و ظائفی دخی حکومتک علویتی نسبتنده  
مهم و عالیدر .

تقدیر علویتندن عاجز اولدیغمز اشبو حکومت سنیه ، حکومت  
مشروعۀ حضرت خلافتپناهیدر که حکم سماوی ایله ده مؤیددر .  
واقعا حاکم علی الاطلاق جناب اللهدر .  
لکن بزم حکمدار عالی تبارمز هم معزز بر پادشاه ، هم ده  
خليفة اللهدر .

## مواصلت نامه ولایتناهی

الله الحمد مرکز مأموریت عاجزانهم اولان موصله مواصلت اولندی .  
جناب حق حبیب اکرمی حرمتنه ولی نعمت بی متمیز ظل الله فی العالم  
افندمز حضرتلرینک نخبه آمال معدلت اشتمال خلافتیناهیلری اولان  
خدمات خیریه ابرازینه عاجزلرینی موفق بیورسون آمین .

مددوحیت و مقدوحیت افعال اختیاریه دندر .

برینک نتیجه سی سعادت دارین دیکرینک حاصلی خسران میندر . البته  
عقل و دیانت برنجیسی ترجیح ایکنجیسی تقبیح ایدر . طریق سلامت وار  
ایکن کربوه خساراته کیدلنز . معلوم کافه جهانیان و مسلم جمیع حقایق  
آشنایاندرکه مبارک وجود مسعود و اقدس همایون حضرت ظل اللهیلری  
ملت معظمه عثمانیه ایچون بر عطیه عظمای الهیه اولان ذات فاروقی صفات  
جناب خلافتیناهینک بالجمله ارادات ملهمیت آیات معالی پرورانه سی مابه  
الحیات دولت و ملت اولان امر جلیل عدالت و ترقی در .

اشته بو اوامر جلیله و جلیلهیه اتباعاً سعی و غیرت ایده لم . چونکه  
صداقت و استقامتک مکافات صحیحه سی کورمک محققدر . هانکی بنده  
صادقدر که نائل عواطف حضرت ولی نعمت اولمامشدر .

جمیع معالی ترقیات حقیقیه نیک مبدأ و اساسی ظل الله فی الارض افندمز  
حضرتلریندن و اورته ده احوال متأسفه وار ایسه مطلقاً بزلوک عدم  
اقتدارندندر . بو بعد اعجز حضرت شهریاری رفقای کرامتک مددوحیتی  
موجب اوله حق حصول اسباب موفقیتاه بحق معاونت ایده جکم . شخص



فردوسی مقامبری طرفلرندن امر تجارتك وجوده كلسی وتوسیع دائره سی  
 خصوصنده وقت و حاله کوره صرف همت و غیرت بیورلمش ایسه ده  
 اشد لزومی درکار اولان تجارت اوطدلینك احدائی هر نصل ایسه  
 اولوقتلر میسر اوله مامش مکرکه تجارت عثمانیه نك حد کاله وارمی و  
 استکمال نواقصی محضا وجودیله مفتخر اولدیغمز ولی نعمت بیمنتز پادشاه  
 شوکتیناه افندمز حضرتلرینك شو عصر همایونلرینه واراده سنیه ملوکانه  
 لرینه ازله مقدر بولمشددر .

اشته بوکا بر دلیل اولمق اوزره اقدمجه تأسیسنه امر وفرمان بیورلمش  
 اولان تجارت اوطه سنك رسم کشادینه حد اولسون بو کون نائل اولد .  
 یغمزدن و بو موفقیت ایسه اوته دنبرو مبذول اولان همم و عنایات  
 جلیله ملکداریلرینه بر علاوه فائقه و عموم تبعه شاهانه یه دیگر بر جاده  
 سلامت آچلش دیمك اولدیغندن ارتق بویله بر لطف جلیل بیعدیل ،  
 و حق عاجزانه مزده دولتجه ابراز بیوریلان حسن امنیت و اعتماددن  
 طولانی ادای وجیه تشکرنده هر حالده عاجز اولدیغمزدن سرمایه بیچارکان  
 اولان دعای مفروض حضرت پادشاهی بی تکرار ایده لم .

جناب پروردکار روح جسم عالم اولان شوکتلو قدرتلو سلطان غازی  
 (عبد الحمید) خان ثانی افندمز حضرتلرینی کمال صحت و عافیت ، و مزید  
 شوکت و سطوتله الی اخر الدوران سریر شوکتصیر همایونلرنده دائم وبر  
 قرار ایلسون آمین .

(مهری)



## تجارت اوطه سنك كشاد نطق

افندیلر

تعریفدن مستغنی اولدیغی وجهله متبوع مفخم و معظممز شوکتآب  
افندمر حضرتلرینك تحت عالیخت عثمانیه شرف افزای جلوس بیور-  
دقلری یوم سعادتن بو آنه قدر نیجه نیجه آثار و ثمرات جلیله سنی  
مشاهده ایلدیکمز افکار و نیات مراحم آیات ملوكانه لوندن بریدخی و بلکه  
باشلوجه سی وطن عزیزمز بولنان و محضا دار سعادت دینکه شایسته  
اولان شو ممالك وسیعۀ عثمانیه نك ازهر جهت ترقی و معموریتی ، و اها-  
لیسنك علی السویه ثروت و سعادت حاله نائلیتی خصوصلرندن عبارت  
بولنش ، و بویله بر مقصد جلیلك حصوله كلسی ایسه فی الواقع زراعت  
و صنعت و بونلره متفرع علوم و معارفك وجودینه متوقف ایسه ده  
بونلره حیات ویرن انجق تجارت ماده سی و بوکا ضابطه و رابطه ویرن  
اگرچه محاکم تجارت ایسده نفس تجارتك كوندن كونه ترقی ایتسنه واربابنك  
تکثر عددینه و مضرندن وقایه اولنسنه يك چاره دخی تجارت اوطه سی  
اوله بیلور که بو اوطه الیوم اوروپانك بالجهله تجارتکاه اولان محللرنده  
بولندیغی وجهله اعضاسی امر تجارتك یالکز نظریاتیه دکل الا هر کونه  
عملیاتیه اشتغال ایدن و حسب الطالع کاه کار و کاه ضرر ایله معاملات  
جدیده تجاریده تجربه و آزمایش کسب ایتش و او یولده بیومش اولان  
قدمای تجاراندن انتخاب اولنش بر هیئت رسمیه دیمکدر و باشلوجه  
وظیفه سی ایسه اولاد وطنك رفاه حاله مدار اولور اسباب و وسائل  
حقنده تعاطی افکار ایتمکدر .

هر تقدیر مزید عنایتلو پادشاهمز افندمر حضرتلرینك اجداد عظام



برده بیللی یزکه عصرمز عصر ترقیدر زمان و قوف و عطالت  
دکلدر .

منهاج سعادت اوکزده آچیق طوریمور بر آدیم ایلری آتان قزانیر .  
بو خصوصده دخی متبوع مشروع و معظمز افندمز حضرتلرینک اثر  
سعادتلرینه اقتفا ایتک حصول مقصده کفایت ایدر .

نه موتلو یزکه بلا استثنا عموم تبعه صادقسنی مسعود و بختیار ایدر .  
اسباب و وسائلی تحری و استکمالدن بشقه بر شی دوشونیمان شوکتلو غازی  
عبد الحمید خان ثانی افندمز حضرتلری کبی بر شهنشاه معدلت کسرتک  
عهد سعید سلطنتنی ادراک ایلدک .

بویله بر شهریار عالی تبارک اغورنده هر وطنپرور فدای جان ایدر .  
احوال مملکته کلنجه قدرت فاطره نک بو خاک پاکه بخش ایتدیکی منابع  
ثروت اولقدر چوقدرکه اها لیمزک بر قاج مثلی بختیار ایدر بیلیر .  
انشاء الله تعالی معارف و معابرک تعمیم و تنظیلی بو منبعلردن حقیله  
استفاده مزی تأمین ایدر جکدر .

چونکه معارف فکر انسانی تربیه، معابر ثروت و سامانی تمیه ایدر .  
ایشته شو اسباب سعادتنی تحصیل و تکمیله چالیشانلر و ظنلرینه صحیحاً  
بیوک خدمت، و آمال و افکار حضرت ولی النعمته موافق حرکت ایتمش  
اولورلر .

رفقای کرامله اهالی مملکتی بو فکر ترقی پرورانده متحد بوله جغمی  
وجهلر سندن معاونت کامله یه مظهر اوله جغمی امید ایلرم .  
همان جناب حق حبیب اکرمی حرمتنه جله مزی موفق بالخیر  
بیورسون .

( سری پاشا )



## نطق رسمی

جناب حق وجود مقدس ملوكانه لیرینی بو ملک و ملتہ باغشلاسون .  
ولی نعمت بی منتز شو کتآب افندمز حضر تیرینک مهد ظهور عثمانیان  
اولان اناطولی قطعہ سی اہالیسی حقندہ حسن نظر ہمایونلری بر کال  
اولدیغنی سزہ کال ممنونیتلہ تبشیر ایلرم .

پادشاہمزک احیای وطن جہتنہ مصروف اولان جلائل ہم شاہانہ .  
لری بزم تقدیر و تعیین ایہمیلہ جکمز درجہ لردن چوق عالیدر .  
بو بابدہ کی اوامر سنئہ خلافتناہیلرینی انفاذ واجرا ایچون بو عبد  
صادق لیرینی ولایتکڑہ لطفاً والی تعیین بیوردیلر .  
درعہدہ ایتدیکم وظیفہ مقدسہ نک اہمیتیلہ متناسب اقتدارہ مالک  
اولدیغنی اعتراف ایدرم .

بونکلہ برابر بر نقطہ استناد وارکہ اودہ توفیق الہیدر .  
توفیق الہی شرع وقانون احکامندن اصلا منفک اولیان امر و رضای  
خلافتناہی یہ توفیق حرکت و حسن نیتہ مقارن اولان علو ہمتلہ قزانیلیر .  
بزمذہ ذاتاً بوندن بشقہ خط حرکتمز یوقدر .  
انکچون امید ایلرم کہ امور مزدہ توفیقات الہیہ یہ مظهر اولورز  
چونکہ فیاض قدرت ایچون بخل وامساک اصلا متصور دکلدر .  
ارادہ کلیہ الہیہ عبدک ارادہ جزئیہ سنہ ناظر در .

بز سز منزل سعادت و سلامتہ ایلتہ جک بر شہراہ مستقیمہ سلوک ایلر  
ایسدک ہادی السبل اولان اللہ ذو الجلال دخی ہدایت و عنایت الہیہ سنی  
کندیمزہ رہبر نجات ایدر . اما بونک عکسیدہ بالعکس در .



سویلو پادشاهمزمک هر بر کونی ملتہ منتج اشفاق کوناکون اولمش  
 و اولمقدہ در . نته کیم بو دفعہ دخی دیگر بر لطف جلیل اولمق اوزره ،  
 زیارت خرقة سعادت یوم مسعودندہ کذرکاه معالی اکتنہ حضرت جهانبا-  
 نیدہ صف آرای تجیل و تعظیم اولان بو مکتب شاگردانی کولہلرینہ  
 تعطفاً نظره مرحمت باهره تاجداریلری بیدریغ و احسان ، ومن غیر حد  
 کمال تضرع ایله خاکپای مراحمیمای شاهانہلرینہ تقدیم ایلدیکمز قصیده  
 عبودیت افادہ نک اخذ و قبولنہ فرمان عنایتیان ارزان بیورلمش ، و بو  
 حاللر ایسه ذاتاً اصدقای بندکانجہ جهان دکر بر نعمت و مفخرت عظمای  
 ایکن ، بو کوندخی ید اقتضای احقرانہمزمک عطیہ شاهانہ ایله مالامال  
 بیورلمسی ، جلہ شاگردان کولہلرینی لجہ حیرت و مسرتہ مستغرق ایلش  
 اولمقلہ ، همان بو حال عجز اشمال چاکرانه مزده دودست اہتالمزی جانب  
 آسمانہ رفع ایله ورد زبان مصادقتیانمز اولان پادشاهمز چوق یاشا دعای  
 واجب الاداسنی تکرارلہ کسب فخر ایلرز .

( مہری )

[ رئیس هیئت طرفندن ایراد بیوریلان جواب صورتی ]


افندیلر

کوستردیکمز مآثر عبودیت و صداقت ، محضاً حسن تربیہ کز ثمرہ-  
 سیدر . مکتبکمز مجموع احوالہ نظراً الحق مدرسه صداقت دینکہ شایستہ  
 در . شوکتآب افندمزک ارمنی تبعہ شاهانہلری حقندہ اولان توجهات  
 جلیلہ جهانبانیلری افزون اولمغین سایہ شاهانہدہ تأمین استقبال ایتمک ،  
 و دولت و وطنہ یرار بندکان اولمق اوزره تحصیلہ تشدید سعی و غیرت  
 ایتکزی توصیه و آرزو ایلرم .

مرقومہ بی ، اصدقای تبعہ شاہانہ اولوق اوزره یتشدیرہ جکمزى مع الافتخار  
عرض و بیان ایلرم .

همان جناب رب ذو الجلال ، ولى نعمت اعظم ، و شهریار معظم ،  
شوکتلو مہابتلو جمیع عالمہ مرحمتلو سلطان غازی بیوک عبد الحمید خان  
ثانی افندمز حضر تلرینی الی آخر الدوران تحت عالیخت ہمایونلرنده  
دائم و باقی ایلسون آمین .

( مہری )



## ۱۹

### طلبہ دن بری طرفندن

افندیلرم

محضا عالمہ بخشایش عال العال ربانی اولان شوکتآب افندمزك ،  
مودوع ید مؤید جہانبانیلری اولان جمیع رعایا و برایای عثمانیہنك ،  
محضا ہم سنیہ و شفقت جلیلہ شہریاریلری سایہ سنده امثالی نامسبوق  
صورتنده ، ازہر جہت مظهر اولدقلری رفاه و سعادات ، و عموم اولاد  
وطنك ، بلا تقریق شاہراہ ترقی و عرفانده نائل اولدقلری بونجہ تسہیلات  
و عنایات ، حقیقہً تواریخ عثمانیہ بی بغایت تزیین ایدہ جك مواددن بو-  
لنمشدر . علی الخصوص ارمنی ملت صادقہ سنك ، شوکتآب افندمزك  
دور جلیل ہمایونلرنده ، ماسبقنہ فائق صورتنده نائل اولدیغی انواع  
مساعات و تعطفات جلیلہ ، ارمنی تاریخنك اك مسرتبخش صحیفہ لرینی  
تشکیل ایدہ جکی مسلم بولنمشدر .

زیارت خرقه سعادت ملاسه سیله تشریف شاهانه وقوعنده گذرگاه  
 هایونده صفبسته تعظیم وتبجیل اولان غلطه ارمنی مکتب  
 کبیری طلبه ومعلمیننه عطیه سنیه نك توزیعی  
 ضمننده مکتبه کلان هیئت علیه حضورنده  
 اوقونان مقاله شکرانیه

[مدیر مکتب طرفندن]

افندیلرم  
 ولی نعمت بیتمیز ، شهریار اسکندر اقتدار ، خاقان معالی آثار  
 افندمر حضرتلرینک ، مکتب عاجزانه مزك بالجله معلم قوللرینی ترجاً  
 تلطیف ایچون ارزان بیوردقلری عاطفت و عنایت سنیه تبعه پروریلرندن  
 طولای درون دلدن حس ایلدیکمز شکرانیت بندکانه نك عتبه علیایه عرض  
 واشعارینه همت بیورلمسنی هیئت تدریسیه نامنه اوله رق استرحام ایلرم ،  
 بز معلم قوللری . عهدۀ تدریس وتریبهمزه احاله اولنان اوچیوزه  
 قریب طلبه یه ، درس ائالرنده و اوقات سائرده دائماً حامی علم ومعرفت ،  
 ومحیی ملک وملت اولان شوکتلو پادشاهمزه وتخت عالیخت عثمانی یه ،  
 اجداد واسلافز مثللو مادامت الحیات صدق تبعیت وحب وارتباطده بولنمق  
 فضیلت مدوحه سنی ذهن وضمیرلرنده تقریر وتوثیق الملکده اولدیقمیزی ،  
 وبو وظیفه نظیفه ده شمیدی یه قدر قصور ایتدیکمز کی بوندنبویه دخی  
 عینی مسلك اوزره بر دوام اولوب ، مایه صداقله مجبول اولان اطفال



سلامت نثارله مالامال اولان کتابلر اوزرینه سر نگون و طالمش کوررز .  
ایمدی عقل بشرک برنجه وسائط تسهيلاتبخشایی خلق ایتدیکی و دماغه  
لذت و نفسه راحت ویرر بونجه اسبابی تکثیر ایلدیکی بویله بر عصر  
سعاتحصره نائلیتزدن طولایی الحق بختیارز . بو بختیارلغمز یالکز بو  
جهتدن دکلدرد . باقکز بر دفعه اخلاق بشر تقدیر کسب ملایمت ایتمش  
والحاصل عمر بشرک قیمتی تقدیر زیاده طانیلش ، حریت وجدانیه تقدیر رعایت  
بولمشدر .

قدیم یونان ممالکندن اسپارطده بر چوق معصوملر حیاتدن محروم  
ایدیلور ایدی . نیه ؟ چونکه نحیف و ناقص طوغمشلر ایدی .  
حقوق انسان بو زمانده اولمدق صورتده ایوجه تقدیر وقانونلر ایله  
تأمین ایدلمشدر . هنوز نطقه کلیان طفل شیرخواره ، بو قانونلر  
سایه سنده امن و سلامتدهدر .

هانی او اون طقوزنجی عصرک اوائلنه دک علو فشان اولان اوروپانک  
انکیزسیون اوجاقلری اوت بونلر باتدی و بو کونکی کون هر کس اعتقادنده  
حر و سربست اولوب کشینک وجدانی بالاختیار قبول ایتدیکی مذهبک  
مقدس و مستقل معبدیدر .

( مهری )



## ۱۷

### عصر من

درونده یشامقده اولدیغمز شو اون طقوزنجی عصر ، کچمش  
عصر لړك اڅ شرفلیسیدر . اگرچه معجزاتلی عصر لړكش کچمش ایسه ده ،  
شو زمانزده مشاهده اولنان غرائب شمدی به قدر هیچ بر عصرده سبقت  
ایتماشدر .

سؤال ایده لم بر دفعه بیکلرجه میل مسافه سی اولان بر محلدن دیگر  
محلله بر دقیقه ده خبر لشمک ، یاخود بر آیلق یولی بر کونده قطع ایتمک ،  
یاخود کره ارضک هر طرفنه کیف ایچون سیرانه چیقمق بی آدمه نوقت  
میسر اولمشدر ؟

کالی اون پاره اولان بر غزته هر صباح چیقوب احوال بشردن  
وقطعات خسه عالمده جریان ایدن حالاتدن بزلی خبردار ایدیور .  
طور بابل محواولمش کتمش ایکن اخیراً ایفل قله سی نامیله اوروپاده باش کوستر  
وبر ایام یتش ایکی ملته جولانکه اولور . آنک ذروه سندن صاچان  
ضیای الکتریقی نصف الیلده کونش طوغمش کی اورتیغی نوره غرق  
ایدر .

فی الواقع ادبیاتجه فیض بولمش عصر لړ اولدی وبو عصر لړده نیجه  
آثار نامدار ذکای آدمه شان ابدی اهدا ایلدیلر ایسه ده عصر حاضر من  
آثار نامدار یله سابقلرینه قات اندر قات فائقدر . بوندنمعدا شو مزیت  
وشرفی دخی حائزدرکه کتب وقرائت بو عصرده رواج بولدیغی قدر هیچ  
بر عصرده بولمش دکلددر . نته کیم شمدیکی زمانلرده اڅ ادنی بر کویچکرده  
بیله دار عرفان وار واورایه دخولزده اطفال زماندی ، نیجه اسرار

برده دوشونکرکه بو عالم فانیدر کیسه یه مال اولماز .  
ایمدی روای که بر غرض نفسانی ایچون انسان آخرتی ده خراب  
ایتسون ؟

هانیا بنم سلفم هانیا او محبوب قلوب اولان یوسف پاشا ؟ . . . بر  
زمان اوده شوراجقده سزه بویه خطابت ایدیوردی .  
بو کون ایسه اولسان ناطق بر جسم جامد حالنه کیرمش ، بلکه  
اجزاسی بیه انحلاپذیر فنا اولمشدر .

اوف ! انسان حقیقت نهده ظلوم وجهول ایمش ! . . . .  
افندیلر !

موت مدهشدر ، لکن بو عالمده اندن زیاده عبرت آله جق شیلرده  
واردر .

بیلیرسکرکه الله ذو الجلال محول الحول والاحوالدر .  
ایشسته او عزیز اولان الله بو کون بر جلوۀ عبرت آمیزینی سزه  
کوستریور .

عدالت بر میزاندرکه الله بیه علمیزی انکله طاریور بر کفہ سی مکافات  
اوبری مجازاتدر هر کس دیلدیکی جایی اختیار ایده بیلیر .  
مقدمکی مأموریتده دخی همان عموم طرفندن کوردیکم حرمت و محبتی  
آرتیره جق و معاونت خیر خواهانه کرله اولا الله ذو الجلالی ثانیاً پادشاه  
کریم الخصالی جله مزدن راضی و خشنود ایده جک خدمات حسننه یه  
موفقیتی الطاف سبحانیه ومددکاری روحانیت نبویه دن امید واستدعا  
ایلرم .

( سری پاشا )





اوله رق ولایتکزه مأمور بیورملری انجق سزک صلاح حالکزه خدمت ایچوندور .

صلاح امت ایسه معلومدرکه اتفاق کله ایله حاصلدر نزاع و تفرقه یه سبب اولنلر حقلکده خلقکده نظرنده مردود و منفوردر .

زیرا هر خیری بسیله یان وفادرد هر شری ده طوغران نفادرد .

ایشته جبل متین و فاقه طوتمق ایچون بن سزه المی اوزادییورم ،  
الله ، پادشاه اطاعتی ، قانونه حرمتی ، وطنه محبتی اولنلر ، نمله  
ال اله ویرر .

بو الدن النی کری چکن مطلقا خائب و خاسر اولور زیرا اللهک ید  
قدرتی جله مزک اللری اوستندهدر .

افندیلر !

ایشته کوریورسکزکه جناب الله طوغریلری عزیز ایدیور .

حب معالی ایله مجبول اولان انسان نفسنک ذلیل اولدیفنی ایسترمی؟  
البتہ ایستدمز .

اولیله ایسه هیچ بر وقت طوغریلقدن آیرلاملی یزکه دائما عزیز اولهلم .  
زیرا شوکتلو پادشاهمز دائما طوغری کیدنی طوغری سویلیانی سور .  
افندیلر !

وقتک نزاکتنی ولایتک اهمیتنی ولی نعمتک عاطفتنی تقدیر ایدیکز .  
تقدیر ایدکزکه سزی ده تقدیر ایدنلر بولنسون . زیرا فرصت بلوط  
کی درکه اصلا قراری یوقدر هنر آنی قاجیرمامقدر . فیاض قدرتک  
ملکمزہ خلقمزہ بخش ایتدیکی استعداد ترقیی ضایع ایتک قدر بر خسران  
عظیم تصور اولنهمز .

قدرتلو پادشاهمز بو استعداد خداداددن تمامیلہ استفاده کری تأمین و  
تسهیل ایده جک مساعدات سنیه لرینی دریغ بیورمیور .

او پادشاه حکمتپناه که عموم تبعه سنی بلا استثنا اولادی کی سویور .

شایاندر . مع هذا وسعت دریای فضل و عرفان و علو مرتبه شانی بشون  
جهان مدنی حیران ایدن شوکتپناه افندمرك عصر سعید سلطنتلرینی  
ادراك ایتك شرفنه نائل اولان عثمانیانك آداب تابعیت و صداقته یاقیشه جق  
ترقیاتده نه مرتبه ایلرو کیدرلر ایسه توجهات جهاندرجات حضرت  
پادشاهییه دخی او نسبتده اثبات لیاقت ایدرك ممدوح و مسعود اولورلر .  
همان جناب حق ظل ظلیل فیض دلیل ملوکانه یی الی قیام الساعه  
اوزرمزدن آرمیوب جمله مزى رضای همایونلرینه موافق خدمات و افعاله  
موفق بنورسون آمین .

(بحری)



### نطق رسمی

شو اوقونان امر عالی — که عظمتلو پادشاهمرك پك معزز بر مثال  
واجب الامثالیدر — بزه شرع و قانون احکامنه متابعتی امر ایدیور .  
شرع و قانون ایسه معلومدر که محضا حق اظهار ، مظلومی استظهار  
ایچون وضع اولمشدر .

ایمدی اظهار حق ، استظهار مظلوم خصوصارنده بكاك زیاده یاردم  
ایده نك یانمده اك زیاده سویملی اولسی طبعیدر .  
ولی نعمت بیمنتز شوکتآب افندمرك بو عبد صادقلرینی ایکنجی دفعه


» بقدر الكد تكتسب المعالي

ومن طلب العلى سهر الليالى»

(اكرم بك)

بالادهكى بيتك توجه سى

اكتساب معالى سعى و امك مقدار نجه در . بيومك ايستيانه كجه لرى  
او يوميوب چالشمق كر كدر .



## ۱۵

### توزيع مكافات مناسبتيله

افنديلر !

بوراده مشهود چشم ابتهاجز اولان انتظام وترقى تام ، شهسز  
هيئت تعليمه ايله مكتب مديرى افندى طرفندن صرف اولنان مساعينك  
ثمره بر كزیده سى اولمغه بو باده كنديلرينه تقدر بيان محظوظيت ايدلسه  
آز در : چونكه ولى نعمت عالميان ومفخر حكمداران جهان شوكتلو  
پادشاهيمز افندمز حضرتلرينك نشر معارف امر اهمنده آن بآن مصروف  
بيوريان علوعنايات جهاندرجات تاجداريلرينى حقيقه تقدير ايدرك  
آرزوى مقدس ملوكانهك حصولنه صرف مساعيده سرك ككى تقوى  
غيرتنده بولنانلر يالكز بزم دكل عموم اهاليزك مظهر ستايشى اولمغه



اولیان حیاتی — که از اشیا اولدینغه شبهه یوقدر — اله کتورمکه فوت فرصت ایدنلرک حالته اغلامق لازمکلور . بوتقدیرجه کرک کندیسنی وکرک بشقهسنی تحصیل معرفته سوق ایتک هنوز لذت حیاتی آله میان بر صبی بی کنهای هلاکدن قورتارمقی همتنه معادل اولهزمی ؟ وبلکه آکا بیله مقدم طوتیلهزمی ؟ که : هلاک انعدام ایسه معرفتسر کویا یشامق موتک حالت بحرانی ایچنده دوامدر ! . . .

الحاصل معرفته آنک مقابلنک که : جهالت دیمکدر مقایسهسنه نصل تنزل ، و اوصفتده بولمغه نصل تحمل اولنورکه بر فاضلک کتبخانه معرفتی بر جاهلک خزانه ثروتدن یوز درجه متین کورینور .

تحدیر اول کنجلره که وطن وملتک امید سعادت وسلامتی کندیلریله قائم و منعدم اولدیننی خاطرندن چیقاروب و بر انسانی همجنسینه خیرلی ایتکه قابلیت ویرن علم ومعرفت تحصیلنی بر طرفه براقوبده تپورلک وسفا . هتکارلی یولنده تلف تقد وقت ایدر .

تحسین و تقدیر اول کنجلره که : فضیلت وسعادت و وطننه مفید اولمغه قابلیت هنر وکالده بیلهلرک خواب راحتنی آنک اکتسابنه صرف ایلر .

حیف ابد اول آواره سیران و بیهوده پویان هوا وهوسه که : اشیا عرضیهنک بقاسنه قائل و حال حاضرندن استفاده یه مائل اولهرق زمان کچدکجه احتیاجاتک دخی مرقی اوله جغندن غفلتله علم ومعرفت کبی بر سرمایه بی زوال تحصیلندن استغنا کوسترلر .

ریشک و حسد اول غیرتمندان ومجاهده کاران کسب معرفته که اشغال چراغ همتله صباحلیوب محروم خواب وحضور اولورلر ایسه ده طریق ترقیده هر دقیقه بر خطوه ایلرو کیدر وایلرو کیتدکجه مطمع نظرلری اولان نقطه سعادت واعتلائی متواضع ومتقارب کورهلرک روشن چشم فخر ومباهات اولورلر .

پاشای مشارالیه حضرتلری نامنه اوله رق بیان خوشودی وتشکر ایدرم .  
اخلاق ممدوحه ایله متصف بولسان انسانلرک دائماً ورد زبان انملری  
لازم کلان شوکتلو پادشاهمز (عبد الحمید) خان افندمز حضرتلرینک  
دعای تزیاید عمر واقبال شهریاریلرینی تکرار ایله تزیین لسان عبودیت  
ایدلسنی جعیت محترمه دن رجا ایلرم «پادشاهم چوق یشا»  
(صلاح الدین بك)

## ۱۴

### تحصیل معارفک فضیلتی

انسانک مدت عمری ایچنده یاد وتسلیمی لایق بر موسم سعادت وار  
ایسه اوده مجرد تحصیل معرفتله کچن زماندر.  
معرفت بر جوهردر! آنک تحصیلنه چاشمق بر ذوق دیگر در که  
بویله بر تعبیر نه آنک قیمتی تقدیره ، نه ده بریکنک لذتی تصویره کافی  
کورنمز . ایکسی ایچون هر تقدیر درجه مزیتلرینه نسبتله آز اولسه ده  
شويله بر توجیه اجالی یراشتمزی که (معرفت محض روح ، آنک تحصیلی  
ایسه هر شیده باعث فتوحدر .)

حقیقت حیات انسانیه نک انجق معرفتدن عبارت اولدیغنده فصل شبهه  
اولنور که معرفتسر انسان دنیاده کندینی بیله مدرک اولهمیه جغیچون میت  
متجرکدن بشقه برشیء دکلدرد . بویله تحصیلنه غیرتسرلکدن بشقه بر مانع

اوروپاده اك زياده انوار علومك منتشر اولديغي محل المانيا قطعسى اولوب اليوم محافظه اخلاق ايچون چاره دوشونيلا ن ير دخی اوراسيدر . حكامداره حرمت و محبت ، قانونه اطاعت ، وطنداشلا ايله حسن آمزش و الفت كې. حسيات و روابط مقدسه و مبالات دينه دن محروم اوله رق يتيشه جك كنجلرك نه منسوب اولدقلى قومه و نه نفسلرينه خدمت و منفعت حقيقه لوى اولديغي بالتجربه مشندر .

معلوم عرفان ملزوم وطنداشانه لريدر كه شمدى يه قدر اشتهار ايدن علم اخلاق علماسى « اخلاقسز انسان يولارسز حيوان كې در » ديه بر تشبيه عبرت بئشا ايله همجنساريني محافظه حسن اخلاقه تشويق ايلشلدرد . دوشونملى يز كه هر دين اساساً حسن اخلاقه و انسانلى انسانلره حسن اختلاط و ائتلافه خادم اولوب اقوام بيننده راحت و سعادتك حصولى ، و هر فردك نعمت حضور و رفاهه وصولى انجق بورابطه معنويه وابسته در .

سايه سعادت پيرايه شاهانه ده محترم ارمنى وطنداشلامزك دخی يوماً فيوماً تحصيل علوم و كالات ايتمكه و طريق ترقيه كيتمكه اولدقلى چشم شكران ايله مشاهده ايدلمكه اولوب محافظه اخلاق حيده خصوص . صنده عقلای اقوامك متفق الرأى بولنلى طبعى اولديغدن اشبو مكتب هيئت اداره و تدريس سنىك دخی بو نقطه مهمه ي درپيش نظر ايلكدن دور اولدقلى طلبه و طالباتك ابراز ايتدكلى حسن حال و اثر كال ايله مشندر .

اشبو جمعيت خيريه يه مدعو بولنديغى دونكى كون معارف عموميه ناظر عاليسى دولتو منيف پاشا حضرتلرينه افاده و مكتبك احوال منتظمه سنى حكايه ايلديكم زمان طرف عاليلرندن بالوكاله بيان ممنونيت و محظوظيت ايتكلكى امر ايلدكلى جهتله مكتبك هيئت موجوده سنىه



افندیلر

اون طقوزنجی عصرده جمعیله یشایان مدنی انسانلرک معارف دینیلان سرمایه سعادتی اله ایتدجکه یعنی ترقی یولده ایلرولیان اقوامک اثرینه کیتدجکه نائل رفاه وحضور اولهمیهجفی حقائق مسلمندندر . بو حقیقتی بو عصردن اول ادراک ایدن قوملر بو کون شهرا مدینده بزه پیشدار اولورلوسده قدرت فاطمهک ابنای بشره بر موهبه مخصوصهسی بولنان ذکاوت وفطانت دینیلان وانسان ایچون مابه التمز اولان خصائص معنویه شرفیلرده کالیه موجود اولدیغندن تحصیل علوم وفنون خصوصنده سعی وغیرته ثبات ایتدجکه بزم دخی معناً ومادهً آثار ترقی اکتساب وارائه ایده جکمزده شبهه یوقدر . حتی اقوام شرفیهک اهمیت معارفی تقدیر ایله او یولده صرف مساعی ایلدیکی زمان، و او قدر زمانده استحصال ایتدیکی نتایج نظر دفته آنورسه غریبونک بزم حاملزده ودرجه مزده بولندقلری آواندهکی ثمراته نسبة افتخاره سزا کورملک ایجاب ایدر . بو یولده حاصل اولان تیقظ واتباهمز و سعی واقدامز بر دوام اولدجقه خورشید سعادت مدینه دیمک اولان علوم و معارفک تدریجاً وطمئزک هر یرنده شعشه پاش کال اولدیغنی کورمکله چشم افتخارمز پر نور و قلبلرمز مسرور اوله جقدر .

فقط تحصیل معارف خصوصنده غایتله حائر اهمیت و معتنا بر کیفیت واردرکه بو کون میدان ترقی ده خرامان وصاحب قوت وثروت بی پایان اولان اقوامک عقلاسنی ببله جداً دوشوندیریور . بو ماده مهمه کنجلاک تحصیل علوم وفنون ایللرینه حصر غیرتله برابر محافظه اخلاق حسندهنه فوق العاده دقت واعتنا ایدلمسی خصوصی ایدوکنی عرض ایدرم .

بن امور موکوله عجه بر وقت بو خط حرکتدن ایرلمیه جغم همده  
آیرلمق نصل ممکن اوله بیلور ؟

امینم که رفقای کرام دخی بو بایده آراء صائبه و معاونت کریمانه لویه  
بنی تقویه بیوررلر .

هله اهالی ، وطنپرور اولان طوغری مأمورلردن بر وقت  
معاونت لرینی دریغ ایتمزلر . چونکه الله دخی طوغری یه معیندر .

جنس و ملت تقریق ایتیه رک اهالینک هر صنفی قانون نظرنده  
مساویدر .

حضور قانونده اقویا ایله ضعفا برابر در .

بنم ایسد بلکه ده ضعیفیه رفقم اوفر در .

انسان ایچون دنیاده اویقوسر طور مق قابل اولهیدی اویقو زمانمی  
دخی عباداللهک مصالحنی رؤیته حصر ایدردم .

حکومت قبولری هر کس ایچون هر زمان آچقدرد .

حتی کیجه یاریسی بیله استیان طرفزه مراجعت ایده بیلور .

عند پادشاهیده و حد ذاتنده شرع و قانوندن اعز و اقدس بر شی  
یوقدر .

حکم شرع و قانونه متابعت ایدنلر جیع زمانده ممدوح و مقبول ؛  
و خلافی حرکتده بولنلر دایما مقدوح و مدخول اولورلر .

ارقداش و وطنداش لریمک جمله سنی بو فکرده کندمله متحد بوله جغمی  
و ان شاء الله تعالی دولت و مملکته عائد پک چوق آثار نافعیه موفقیته  
طرف اشرف حضرت پادشاهی ایچون جمله دن خیرلی دعالر آلدیره جغمی  
امید ایلرم .

همان جناب حق حبیب اکرمی حرمتنه موفق باخیر بیورسون آمین .

(سری پاشا)



همان جناب حق عمر و شوکت حضرت پادشاهی بی روز افزون ،  
و بالجملة بندگان و وزیر دستاندرینی انواع ترقیات مشاهده سیله مفتخر و ممنون  
بیورسون آمین .

## ۱۲

### نطق رسمی

بزجه هر سعادتک مدار منفردی شمدی قرائت اولنان شو امر عالیده  
مندرج ارادات و ارشادات سنیه حضرت پادشاهی به امثالدن عبارتدر .  
جناب الله موفق باخیر ایتک ایستدیکي قولر ایچون توفیقات آلهیه سنک  
اسباب حصولنی ده برابر خلق ایدر که او اسبابدن بری ده یرلیغ بلیغ  
الهی و تبلیغ رسالتپناهیدن صکره اولی الامرک امرینه اطاعتدر .  
بو مثاله امثال ایدنلر ایچون عدم موفقیت اصلا ممکن و متصور  
دکلدر .

حتی بوکا بمنیدر که انسان ایچون بر امرده موفق باخیر اولماق مطلقا  
یا سوء نیت و یا قصور همتدن نشأت ایدر دیرلر .  
ولی نعمت بیمنتمز شوکتلو پادشاهمز افندمز حضرتلری عصر مزده  
عدل و احسان قواعدینی مجددانه دکل ؛ عادتا موجودانه دینیه جک بر  
صورته تأسیس و تقریر بیوردیلر .  
عدل مجسم ؛ و روح جسم عالم اطلاقنه سزا اولان بویله بر پادشاه  
رحیمک امرینه نصل امثال اولنمز ؟



حلال و حرامی حسن و قبیحی تقریق و تمیزده اولان معلوماتمه و بونلرك مقتضاسيله عمل ائتمهزه كوره اولور ،

فی زماننا بالجملة متمدن دولتر اسکی وقتلرده اولدییی کبی تربیه عامهیی افرادک رأی خودینه و وسائط مالیهلرینک مساعدنه سنه ترك و تعلیق ایتیموب بونلک هم مجبوری و همده مجاناً اولسی اصولنی وضع ایتلمری دخی بو حکمت و اهمیته مبنیدر .

متبوع مفخممز و ولی نعمت بی منتز پادشاهمز افندمز حضرتلری دخی تخت عالی بخت عثمانی یه جلوس میامن مأنوس ملوکانهلرندن برو اساس ملک و ملت عد اولنغه شایان اولان بو مقصد جلیلی هیچ بروقت نظر اعتباردن دور طومیهرق ممالک شاهانهلرینک هر طرفنده و بالجملة صنوف تبعهلری پیننده انوار معارفک انتشارینی اعزآمال اتحاد بیورمشلردر . اشته از جملة زیر جایه مخصوصه همایونلرنده بولنان بو مکتب ملکیه اومقوله دارالتعلیملرک باشلوجهلرندن در . هر سنه زمانکز مزاج و احتیاجنه موافق بر چوق طلبه یتشیدردیکی مثللو بوسنه مبارکه دخی قرق قدر شاکرد حاضرلمشدر و شمده مشهود چشم ابتهاجز اولدییی وجهله بونلرك سرآمدلری مکتبه اکتساب ایتش اولدقلری جواهر کالاته بر ضمیمه جيله اولهرق ذی قیمت مکافات سنیه یه دخی مظهر اولمشلردر .

بو ذاتلر مرور تذکرهسی مثابهسنده اولهرق یدلرنده بولنان شهادتنامه - لوله بو کوندن اعتباراً هیئت اجتماعیه مجلسنه رخصتیاب دخول و بمنه تعالی حائز مراتب فیض و قبول اوله جقلردر .

بونلرك قامت استعدادلرینی قسای زیبای علم و ادبیه تزین ایدن مأمورین و معلمین بو خدمت شریفه ایله مباهی اوله جقلری کبی کندولری دخی بین الامائل و الاقران بر صورت متمایزه ایله هیئت اجتماعیه داخل اولدقلرندن طولایي ممنون و سرافراز اولهرق دولت و پادشاهلری اغورنده ابراز حسن خدمت و صداقته سعی و اقدام ایده جکلری بی اشتباهدر .

موفقیت سنیه اثر عالیه یله یابلش و آچلش و بتون تبعه حضرت خلافتناهی  
نعمت آسایش مظهری اوله رق کار و کسبلریله مشغول و مستریج البال بولنش  
اولدیغندن شهریار قدسی شعار افندمن حضرتلرینک ازدیاد عمر و شوکت  
شاهانه لری ادعیه مفروضه سنی از سرنو تکرار ایدرز .

(مدوح بك)

## ۱۱

معارف عمومییه ناظر کمالا مظاهری دولتلو منیف پاشا حضرتلری  
طرفدن مکتب ملکیه شاهانه توزیع مکافات رسمنده  
ایراد بیوریلان نطق عالی

ارباب البابك معلومی اولدیغی اوزره هیئت اجتماعیه بر مجلسه تشبیه  
اولنورکه مدت صباوتلرینی اکیال ایدنلر آکا داخل اولورلر . هر بر طائفه  
اول امرده درجه مدینته کوره بنورسانی او مجلسه لایق اوله جق و  
اوراده مسلك واستعدادلری اقتضاسنجه عهده لرینه ترتب ایده جک بر طاقم  
وظائف و تکالیفی ایفا ایده بیله جک صورتده تربیه و تهیه ایدر .  
هر مملکتک معمریتی و اهالیسنک رفاه و راحت و حکومتلرینک شان و  
شوکتی بو تدبیر پر تأثیرک مکملیتیله متناسب اولور . حقیقه هر بر عیزک  
سلامت و سعادت حالی ، خیر و شری حق و باطلی صدق و کذب

## سیواسده بر نمونه چقتلی کشادی مناسبتیه والی ولایت طرفندن اوقونان نطق

محض لطف الهی و دولت ابد مدت عثمانیه نك پادشاه شوكتپناهی  
اولان ولی نعمت یمتتمز افندمز حضر تلرینك روز شعضه بروز جلوس  
همایونلری ممالك محروسه ملوكانه لرینك مستعد اولدیغی ترقیات ایچون بر  
مبدأ جدید فیض بدید اولمشیدی . هممات عالیات درجات جناب  
جهانبانیلریله علوم و معارفك منبع و مطاعی اولان مكاتب متنوعه هر شهر و  
قصبه یی تزین و تنسیر ایلش اولدیغی کبی طاغیر و اووه لر دخی فنون و  
معارفه تعلق ایدن تأثیرات علیه تحتنده اظهار آثار ایتکده بولندیغندن نمونه  
ترلالوی زراع اهالی یه بررفضای فسیح تجربه و تطبیق اولدی . قصباتده  
ساکن بولنان صنوف تبعه شهریارى کندی اولادلرینك سالف الذکر  
مکتبلرده بهره یاب معرفت اولدیغی چشم شکران ایله کوره رك افتخار ایلکده  
اولدقلى مثللو زراعتله اشتغال ایدنلرده بو ترلالوده اصول جدیده اوزره  
حصوله کلان شیره دقت ایلهرک سعی و عمللرینی تزید ایده جکلر در  
زراعت مفتشی مظهرلرک، نمونه چقتلک نك تأسیس و تنظیمنده حقیقه صرف  
مساعی جیله ایلش و چقتلک مدیری دخی غیرت ک کوسترمش اولملریله  
اقدامات واقعهلری جالب تقدیر در سیواس اشراف و متخیزانی وسائر  
معتبران طرفلرندن شو محلك ساحه آرای وجود و نمود اولسی حقنده  
اول و آخر مشهودم اولان آرزوی خالصانه حسیات مدنیهلرینك برهان  
باهری عد اولنه یلور . مدت قلیله ظرفنده بو اینیه و ترلالرفنه تطبیقاً مجرد



آیا ندر بوجلوه بو امداد ؟ دکل غیری برشی الا شودرکه قدرت مولی  
 بزوری الیوم سایه عدل و مرجتده کال امنیت و رفاه حال ایله یشامقده  
 اولدیغمز سلطنت سنیة ابدی الدوامک ید امانت و صحابته تسلیم ایشمدر .  
 و حقیقت حالده مؤسس بنیان سلطنت اولان خداوندکار مرحوم جنتمکان  
 سلطان عثمان خان اول حضرتلرینک دور همایونلرندن اعتباراً محضاً اول  
 سایه عالیده مقتضای طبیعت صداقتیوستمزله بوکونه قدر انواع نعم و وسعت  
 حالله دیانت و ملیتمزه و کافه آیین و عاداتمزه ذرهجه خلل کلمکسزین  
 بیکلرجه حد و ثنا اولسون شو دور میامن آور حضرت (عبد الحمید)  
 خان ثانی یه قدر آمناً و سالملاً واصل اولمشدرد . اشته بو نعمت عظما  
 یالکز طبعاً صداقتلو اولدیغمزدن دکل الا عثمانلولرک رعایاپرور و مروتکار  
 حقوق اغیاره تجاوزدن پرهیزکار حلم و تقوی ایله مانوس اولدقلرندن  
 اله ایدلمشدر .

بز بویله او قورز و بویله بیلورز که سلاطین عثمانیهک هر بری  
 یدنده هربار نائل اشفاق اولوب ذرهجه کدرلنماشز . و بز شمدیکی  
 دیانت و ملیتمزه یقامزی محضاً بش التیوز سنه دنبرو کال صداقتمزله  
 خشنودی تامنی و انواع مساعداتی استحصال ایش اولدیغمز آل عثمان  
 دولته بورجلویز . حتی بوندنبویله دخی سلامت و سعادت مز محضاً دوام  
 و بقاسنه لیل و نهار دعا کویان اولدیغمز اشبو سایه ده حصول بوله جفی  
 کون کبی آشکار اولمغله اولیه ایسه یشاسون ملت عثمانیان خصوصاً تاج و  
 تختیله یشاسون شوکتمآب افندمز سلطان عبد الحمید خان .  
 (مهری)

مدیت منتدار سیکزدر . وار اولک .  
غیرت وحیت شخصارنده تجسم ایتش اولان بویه بر هیئت محترمه  
ریاستنده بولمق شرفنه نائلیتدن طولای بن دخی کندی بختیار عدایدرك  
ولی نعمت بیمنتیز شوکتلو پادشاهمز افندمز حضرتلرینه دعا ایدرم .  
بیورکز ! یولمز آچقادر .

( سری پاشا )

## ۹

### توزیع مکافات جمعیتنه مخصوصدر

#### حضار ذوی الوقار حضراتی

مقامه مناسب اوله رق حضور عالیکرده علم و معارفک مزیتندن بحث  
ایتمک حدم دکل ، ولو اولسه دخی معروفی تعریف قیلندن اوله جقدر .  
انجق شمدیلک مقدس بر ماده حقنده اوتهدنبرو بنده کرله کافه رفقای  
عاجزانه مک پیدا ایتش اولدینی حسیاتی بر چفت کلامله تعریف و بیان  
ایدوب کسب مفخرت ایده حکم شویله که :

اوتهدنبرو توارینجه هوسکار بولندیغمزدن ملل سائر میانده ، شو  
ملت صادق مزک اعصار قدیمده کورمش کچورمش اولدینی بونجه غوائل  
وانقلاباتی مطالعه ایتدکجه بغرمز سوزان و مستغرق آه و فغان اولمده ایسه  
ده ، قاچان صره بوندن التیوز سنه اقدمکی دوره کلنجه ناکهان بر باب  
سلامت و صحابت آچیلوب قلبیز فرحلیور و در عقب تسلی و امان بولیورز .

ایشته عثمانیلیری دخی بحق بختیار ایده جک نه قدر اسباب ووسائل  
ثروت و سعادت وار ایسه کافه سنی جناب حق عهد سعید حضرت  
عبد الحمید خانی ایچون صاقلامشدر .

واقعا جلوس همایون حضرت پادشاهیدنبری ممالک عثمانیه نك عمران  
وسامانی قابلیت اصلیه سیله متناسب اوله رق فوق العاده بر سر عتله ترقی  
ایتمکده در که بونی هر کس تصدیق ایدر .

از جمله بو کون سایه شاهانده رسم کشادینی اجرا ایتدیکمز شو  
طریق کیر و مهمی صدق افاده دلیل اولمق اوزره سزه ارانه ایده بیلیرم .  
طولی طقسان کیلومترویه قریب اولان بو طریقه نه وقت باشلاندیقنی  
تخطر ایدرمیسکز؟ تام اون بش بیلدر !

حال بو که کچن سنه ده کلنجه یه قدر بش آلتی کیلومترودن زیاده سی  
یایله میان بو اوزون یولی بز سایه شاهانده شو صوک ایکی سنه ده یالکز  
یوز یکریمی بو قدر کون چالشمقده کشاد واکمال ایشمزددر .

کذرکاهی سراپا یوکسک طاغله یالچین قیالره جسیم اورمانلره مصادف  
اولان بو یولک موقعاً متانتی ، صعوبتی ، بونکله برابر عمله مکلفه مزک  
عدد آقنتی بیلن اهل انصاف ، بو اقدام وغیره البته ستایشخوان اولور .  
بو ایسه بشقه برشی دکل ، مجرد توفیق الهی ویمن توجه حضرت  
خلاقیتناهی اثریدر .

اهالیزک بو یولده مشهود اولان فداکارانه سعی وغیرتی باخصوص  
مأمورین و متحیزان قضانک فوق العاده همت و خدمتی حکومت سنیه نامنه  
اوله رق لسان شکران ایله علناً تقدیر ایلرم .

قائم مقام پاشا ! مأمور افندیلر !  
سزی تبریک ایدرم . ایکی ولایت جسیه یی مسعود ایده جک بیوک بر  
مجرای تجارت آچدیکز .

سیواس کی نیجه بلاد معموره داخله یی ساحلزه قریب ایتدیکز ! عالم



۷

غازخانهك كشادی مناسبتيله

ولی نعمت بی متمز شوکتلو پادشاهمز افندمز حضرتلری کجهلری  
بیله حضور وراحتنی ترک ایله وطن وملتی اغورنده نه درجهلرده  
چالشدیغنی افاده یه حاجت کورهمم . سایه سنده مظهر اولدیغمز ترقیاتك  
تعدادینه نه امکان وار نه ده بو محلك قابلیتی وار . معارفجه اولان ترقیات  
عظیمه یی یالکز بز بیلور دکلز . بو حقیقت بو کون بتون دنیا یه شایعدر .  
آثاره عنایت بیوردقلری شمع ترقی اطراف جهانیه ضیالو صاچقده در .  
شمیدیه دریای عاطقتلری خروشه کلوب عالم ظلامی رفع ایله کجه یی دخی  
کوندزه تحویل بیوردیلر . او یله ایسه جله مز یکزبان اولدیغمز حالده  
(پادشاهم چوق یشا) دعاسیله ختم کلام ایدملم .

(محمود پاشا)

۸

نطق

افندیلر !  
معلومکز درکه وقت مرهونی حلول ایتمدکجه بو عالمده هیچ بر شیء  
تیسر نهای حصول اوله مز .

مدخللری آشکاردر . حالبوکه اولادک آبا واجداده قارشو هیچ بر تأثیری  
اوله من .

بوخصوصده علاقه دار اولان طرفلردن بریسی ده عاجزلری کبی معارف  
خادمیری و بالخصوص مکتبک معلم و مأمورلریدر . بونلر دست تربیه  
وتعلیملرینه تودیع ایدیلان نورستکانک بویله کسب ترقی و تمیز ایللرینی  
بالطبع کندولرنجه اثر حسن موفقیت ومدار مفخرت عد ایدرلر . بوصنوف  
ثلثه نك خارجنده برلنان ذوات دخی بر مملکتجه آرزو اولنه بیله چک هر  
درلو ترقیاتک منبع ومنشی اولان معارفک انتشارینی کوره رک بونک عموجه  
اوله جق تأثیراتی ملاحظه سیله منسون اولورلر .

حائی علم وعرفان عنوان جلیله شایان اولان شوکتلو قدرتلو ولی  
نعمتیز پادشاهمز افندمز حضرتلرینک مآثر سنیئ ملوکانهلرندن اولان  
بو مقوله مؤسسات علییه نك کوندن کونه تزاید و کسب انتظام ایلسی  
خیرخواهان مملکت نظرنده اعز اسباب معموریت و هر شیدن زیاده  
سزوار شکران ومحمدتدر .

کیمسه عبنده خفی اولمدیغی وجهله بو مکتبلرک ثمراتی چونبرقندو  
اقتطافه یاشلاندی . امورملکیه وعسکریه نك هر شعبه سنده تأثیرات حسنه سی  
کورلمکده در مع مافیه مطلوب عالییه واحتیاج زمانیه دهها موافق صورته  
ایلرولسی حقنده عمومک آرزوسی تقدیر زیاده ایسه بو مقصد جلیلک  
حسن حصولنده کی امیدلرده اوقدر قویدر .

بو مکتب سلطانیده تربیه وتعلیمجه کوریلان حسن نتایج نظرأ بالجمله  
مأمورین ومعلمین ثنا وستایشه کسب اسحقاق ایلش اولملریله انلره قارشو  
لازم کلان تشکر ومنونیتی دخی بوراده علی رؤس الاشهاد بیان ایله ختم  
کلام ایدرم .

( منیف پاشا )



آكار كونه دن مصونيتي بوندنبويله هر روز درگاه حق جل وعلا ده اقدم  
تمنيات خالصانه من اوله جفني ولايمز اهاليسي نامنه بالوكاله من غير حد  
حضور جلادت نشور خديوانه لرينه عرض و تمهيد برله مقام تبريكده  
اوله رق خا كپاي سامي فخيما نه لرينه جين ساي عبوديت اولغله كسب فخر  
ومسار ايلرز باقي فرمان حضرت من له الامر كدر .

( مهري )

## ٦

وسائل مختلفه ايله عقد اولنان جمعيتك ايجنده اك خيرليسي اك  
شرفليسي اك متيني بويله توزيع مكافات جمعيتي عد اولمق كر كدر . چونكه  
بوندن حضارك هر صنفى بر صورتله مستفيد نمون و مقنخر اولور .  
اولا شاكردان مكته ده كي ثمره سعي وغيرت لرنيك بر شاهد عادلى ديمك  
اولان ذكر جيل و مكافاته مظهر اولورلر كه بوده كالات مكته سبه لرينه  
مقابل ايلرو ده نائل اوله جقلى انواع فيض و اقبالك بر با كوره لذت بخشامي  
يا خود بر مقدمه مسعدت اتماسيدر .

ثانياً شاكردانك جمعيتده حاضر بولنان والدين و اقربا و متعلقاتلري  
كندي اولاد و منسوب لرنيك طريق تحصيله حائز اولدقلى مراتبن  
طولاي جله دن زياده حصه مند فخر و مسرت اولورلر .

حكمان بر ذات ديمشكه آبا واجدادك اولاد ايله افتخار ايتلري او .  
لادك آبا واجداد ايله افتخار ايتلرندن ده ا مقبولدر چونكه اولادده  
موضوع مفخرت نه ايسه انلره آبا واجدادك مادي معنوي و اخلاق صنع و



والیء جدیدہ خطاباً ہیئت مبعوثہ نامنہ اوقونان

مقالہ تہریکیہ

افندمن

جناب حق ، عمر و شوکت ملکداری نی ہمیشہ مزداد ، و ذات  
مستجمع الکملات آصفانہ لرن طول عمر و عافیت و موفقیت جلیلہ ایلہ  
برمراد ایلہ آمین

ذات اقدس ہمایونلری محضاروح جسم عالم اولان شوکتآب افندمنک  
اقدام آمال کرامت اشتعاللری ، ہمیشہ سزاوار تذکار و تکرار اولدینی  
وجہلہ ، ہر جنس و صنف زیردستان شاہانہ لرنیک ، تأمین جان و مال  
ورفہ حاللریلہ حق لرنہ متساویاً عدالت سنہنک اجراسی ، و ترقیات مادیہ  
و معنویہ دن بہرہ دار ایدلمسی خصوصاً تنیدن عبارت اولدیغدن ، پادشاہ ارجم  
و اشفق افندمن حضر تلری ، بونعمت عظمادن و لایتمز اہالیسی قوللرینی بالغا  
مابلغ اشباع بیورمق اوزرہ کرامت محض اولہرق ذات علیالری مثللو  
تجارب عالیہ ایلہ مالی ، و فضائل خلقیہ ایلہ حالی بروزیر ارسطونظیرک ید  
امانت و حایتہ بزلی تودیغ بیورمش و بناءً علیہ تشریف میامن ردیف  
آصفانہ لرنیک شرفواقع اولدینی بوکوندن اعتباراً عموم و لایتمز اہالیسنہ شاہراہ  
فیض و سعادت آچلش اولملہ ، حق مملوکانہ مزدہ بیدریغ بیوریلان بویلہ  
برعاطفت و عنایت جلیلہ ولی نعمت علمنہ ایدنطولایی بارکاہ کبریایہ شکر  
فراوان اولندیغی کبی ، ذات والای خدیوانہ لرنیک دخی وطن و دولت اغورینہ  
واول سایہدہ حق کترانہ مزدہ شرفواقع اولہحق تشبثات و ترتیبات نافعہ  
مہامپوریلرنیک ، توفیقات ربانیہ مظهریتی ، و وجود بہبود آصفانہ لرنیک

عבודیتدن آیرلماق کبی فضیلتلری اکتساب و تحصیل ایلکده درلر .  
البتہ کہ شاکردان قوللرینک کل یوم افندمزک فزونئی عمر واقبال  
و شکوه و اجالالرینه دعا ایتملری بو نعمته مقابلدر .

حرمتلو افندیلر !

بوکون لطفاً و تنزلاً بو مقامه تشریفکزه طلبه قوللرینی تشویقه رغبت  
بیورمکزدنطولایی عرض تشکر ایدرم . بو کونکی زینت و جعیتمز یالکز  
اولادلرمزک چالشقانلغنه دکل سرلرک دخی علم و دانشه راغب و مشوق  
اولدیغکزه بردلیل جلیلدر .

همان جناب حق و فیاض مطلق تبارک اسمہ حضرتلری اب مشفق  
وارجمز شوکتلو عنایتلو عالمه مرحتلو پادشاهمز سلطان ( عبد الحمید )  
خان ثانی افندمز حضرتلرینه عمر سرمدی احسان ایلسون . سایه فیض  
و مرحتلرین اوزرمزدن اکسک ایتسون . تحت معلائی همایونلرین  
همیشه باقی وعالمه پناه ایلسون آمین ثم آمین .

( مهری )



عجا سلاطین ماضیه هنگامندہ بو قدر مکاتب ابتدائیہ و عالیہ کشاد  
بیورلشمیدی ؟ عجا مملکتہ بخشندہ روح واجلال اولور ذوات ذوفنون  
یتشدرمک اوزره تجارت و حقوق و لسان و صنائع نفیسه و علوم سیاسیه  
تدریسنه مخصوص بونجه مؤسسات علمیہ کورلشمیدی ؟ عجا بر مملکت  
اھالیسنک حرزجانی اولان بونجه مداواتخانہلر سلفندہ وجودہ  
کلشمیدی ؟

آیا نظر دقت ملکداریلرندن عدول ایتش سائر بر جهت فنیہ و صناعیہ  
و آکا مخصوص آچلدق بر دار عرفان وارمیدر ؟ باقکز بر دفعہ ولی  
النعم افندمرک شو پایتخت سلطنت سنیہ لونندہ تأسیس بیوردقلری مکتبلر نہ  
نورلر صاحبقدہ در . برده آناطولی جہتہ عطف نظر بیورک و تا ایچرو-  
لرینہ مدنکاه ایلک . اورادہ کوریلہ جک کہ شو اون اون ایکی سنہ  
ظرفندہ الکامزک حصول عمرانہ مدار اولان بر خیلی آئاردن ماعدا الک  
اوفق قریہلرہ بیلہ برر دار عرفان آچلش و اورادہ و طنزک نازنین  
وامیدبخش غنچہلری کلر کبی آچیلہرق تعطیر مشام و تزین ملک و مقام  
ایلمکدہ بولنشد .

آلمانیالو لورد نام فیلسوف دیمشدرکہ ( بر مملکتدہ تعلیم و تربیہ کوک  
صالوب ایروولدکدہ او مملکتک حیات و بقاسی تحت تأمیندہ اولور ) .  
اشته شوکتیناہ افندمر دخی اولاد وطنہ نشر علم و معارفلہ دولت علیہنک  
ابد الابد دوام و بقاسنی تحت تأمینہ آلمشالر و بزلوی دکل یالکز قوہ  
قاہرہ لرلہ الا دنیانک الک ینلز قوتی اولان علم و هنر و صنعت و حرفلہ دخی  
غالب کتورمکی آرزو بیورمشلردر .

ایمدی موتلو بزلرہ کہ بو عصر میامن حصر حضرت ( عبد الحمید )  
خان ثانی یہ وارمشر . کذا موتلو بو دار التحصیلہ دوام ایدن اولادلرمزہ  
کہ انلر سایہ معارف سرمایہ حضرت پادشایدہ پنچہ جہالتدن قورتیلوب  
حقہ طائق ، علم و ادبہ صارلق ، پادشاہ دورانہ صدق تبعیت و



۴

## توزیع مکافات مناسبتیه مدیر مکتب طرفندن او قونان نطق

افندیلر !

بر ملتک حیات و بقاسی علم و معارفه اولور . علم و عرفانی اولیان  
ملتک حیات و بقاسیدخی اولیه جقدر . بر جاعتک مکتبیری چوق و  
منتظم اولدجه افرادینک ثروت و سعادت حالی وقوت و اقتداریدخی او  
نسبتده تزیاید ایدر .

الیوم اثبات اولنشدیر که بر ملتی سلامتیه چیقاران یالکیز قشله لری دکل  
الا مکتب و دار الفنون و سائر علم و عرفان پیکار لریدر . سلاحک آغزندن  
چیقان موت و هلاک ایسه قلمک او جندن چیقان روح و حیاتدر . وطنی  
علم و هنرک محافظه ایتدیکی قدر طوپ و تفنگ محافظه ایده من .

شو عصرده علم و هنر هر طرفه غلبه چالوب کندو آردنجه قوشانلره  
قوت و مکنک بخش ایتیش و هنوز ایتمکده بولنشدیر چونکه علم و عرفان  
عظیم بر قوت در .

اشته شو کتپناه افندمزک افکار و آمال شاهانه لری دخی بومر کرده در .  
تخت عالیخت عثمانی ولی النعم افندمز مثللو بو درجه متفن و نشر معارفه  
بونجه خواهشکر بر حکمداری هنوز کورمکده در . و بودولت معظمه  
عثمانیه نیک کسب قوتله اکتساب شان و شرف ایلیسی و دشمنلرینه غالب  
کلسی علم و عرفان سایه سنده میسر اوله جفته انجق شوکتلو پادشاهمز  
آگاه بولنشلوردر .

راحت و حضور شهریار یارین بر طرف بیوره رق و خزینه همایونلرینی بر دوزییه آچیق طوته رق عقللره حیرت ویرر درجه ده معناً و مادهٔ عظیم و جسم فداکار قللر ابراز بیورمقده درلر آیا بونلر کیمک ایچوندر؟ محضا پروردهٔ مرحتلری بولان عموم تبعهٔ شاهانه و آسایش عالم ایچون دکلدر؟ بوکا کسمنه بر آن استباه ایده مز.

کذلک بو کونکی کون تحت نظر مز ده اولوب بعضلری وجود و بقامزی انواع مهالکدن قورتاریجی و بعضلری دخی اسباب تعیشمزی خیلیدن خیلی تسهیل ایدیجی بر طاقم مخترعات طیه و ضاعیه و تقلیه کورمکده و هر کونده صفالرینی سورمکده یز. عجا بونلر چولده یبانه راست کله بولنش شیرمیدر؟ یوقسه علم و معارف اغورنده کال عناد و خواشله آیلرجه و ییللرجه حصر وجود ایدوب و تدقیقات و تجاربه باش اوروب تنلرینی افنا ایدن و اکثریسی نهایت الامر او یولده تحریاتلرینه قربان کیدن قیتلو ذاتلرک اثر غیرت و حیترلی میدر؟ اشته بوراسنی افندیلمک رأی و تصدیق عالیرینه حواله ایدرم.

عینی بونک کیده بوققیر و حقیر قوللرکز جله اقرانله برابر علم و معارفه صوصامش و هر برمز ایلروده آنا بابا و اقربا و احبا و سائر اولیای نعمه قارشولقلی ایفای وظائفه حاضر لقمده بولنش اولدیغمزدن بو کونکی همکمز مثللو بوندنبویله دخی اکدیگکز ترلادن آرالقمده مرجهٔ برر مقدار بزلره بچدیرر ایسه کز سایهٔ عالیگزده چوق سورمزدن اقتدار تام کسب ایدوب پنجهٔ جهالتدن قورتیلورز و عمرمز اولدقجه امر تشکرکزه مداوم و عموم بشریته و ذات عالیری مثللو افندیلره ازجان و دل خادم اولورز. همان جناب و اهاب الآمال شهریار دریا نوال پادشاه ملکشصال افندمز حضر تلرینه عمر مدید و شوکت مزید احسانیه نائل آمال ایلسون آمین.

(مهری)

## بر مکتب منافعه اوله رق ویریلان تیاتروده طلبه دن بری طرفندن اوقونان نطق

حضار ذوی الوقار حضراتی

اگرچه شو جمعیت علیا تشویق علم و عرفان مقصد جلیله مبنی اولوب  
اندن بحث ایتک مقامه مناسب ایسه ده ، هر حاله وقوفی اولان افندیلم  
حضورنده او یولده بسط مقال ایتک ، معروفی تعریف قیلندن اوله جغی  
کبی شوسن و حال حقیرانه مدخی اولبایده مساعد اولمیدیغندن ، محضا شو  
ساعته یسوک کوچک بالجه رفقای حقیرانه مله برابر حس ایلدیکمز ممنونیت  
و شکرانیتی بالوکاله عرض ایتک اوزره حقمزده بیدریغ بیوردقلری همت  
و مروتی وصف و ثنا ایده حکم شویله که اوتهدنبرو مثل مشهور اولدیغی  
وجهله اکینجی یچلمز یعنی جهد و اقدام اولینجی مقصوده واريله مز .  
ایمدی بوقاعده یه اتباعاً کال درجه مشاق ایله اکوب بعده کال سرور ایله  
یچنلر و اخره بار اولیانلر بنی بشر میاننده نه قدر محترم ایسه لر ، عجباً  
کندوبدنلرندن اکوب سوروبده حاصل اولان محصولدن هم کندولوی  
یچن و همده اخرلره یچدیروب انلری طویورمغه وسیله اولانلر تقدر  
عزیز و قیمتی آدملردر که ایکی ال بر باش ایچوندنر مثل کرینه اصلا التفات  
ایتمه رک و قولاق آصمه رق ثمره سعی و غیرتلرندن ، کندولرندن ماعدا ،  
نیجه محتاجینی و بعضاً تکمیل بنی آدمی مستفید ایدرلو .

مثلا ایوم وجود مراحمودی سایه سنده آسوده حال اولدیغمز  
شو کتآب افندمز ، حکمدار دوران وجهانه فرمانفرما ایکن کیجه کوندوز



دولت ابد مدت عثمانیه صدق تبعیتده امنیت جان و مال و عرض و حاله  
نائلیتی جلّه آمال اتخاذ ایش اولوب ، سایه شوکتده بونعت جهانقیمدن  
اصلا محروم اولمیه جقلرینه امین و مطمئن اولملریله هر حالده سوکولو  
پادشاهلرینک بوروز فیروز مسعدت مصدرینی کمال مسرتله تمجید ایدرک ،  
بودولت والاشانک ، سایه قدرتوایه حضرت شهنشاهیده نائل سعادت عظمیا  
اولسنی بارگاه حق و جل و علادن کمال صدق و صداقتله تمی ایلرلر .

فی الواقع ملکمزده محتاج اعمار بعض شیر وار ایسدهده بونلر حقنده  
دخی افکار ملهمیت آثار تاجداریلری همیشه معطوف اولمغله ، بمنه تعالی  
انلر کدخی سایه قدرتوایه جناب ملوکانهده برآن اقدام ساحه آرای وجود  
اولسنی مشاهدهیه ، وسنه بسنه انلریدخی حد و تعدادله تزیین زبان  
مصادقت و مباهاته نائل اولمقلغمز ایچون ، ولی نعمت بی امتنان جهانبنان  
مراحنشان افندمن حضرتلرینک ، فزونئی عمر و اقبال ، و موفقیت و  
اجلال شاهانهلری دعای واجب الاداسنی سمواته رفع ایلیم .

قائم اولسون تخت عثمانیده دائم کامران

شاه عالم حضرت ( عبد الحمید ) خان زمان

( مهری )



زیاده جالب انظار اولان ترقیاتی ، محضاً ثمرهٔ اهتمام مخصوص حضرت جهانبانی اوله‌رق بو معارف نقطهٔ معتناپاسنده مشاهده ایلدکده یز . نته کیم ذات حضرت ملوکانه لری خزینهٔ دولتن و علی الخصوص خزینهٔ خاصهٔ ملوکانه لوندن هر سنه مبالغ کلیه تخصیص ، و بو وجهله نظارت جلیلهٔ معارفک بازوی اقتدارینه قوهٔ تامه احسانیه ، دکل یالکز بو پایتخت سلطنت سنیده الا ولایات شاهانه بلده لونده ، قریه لونده بیله هر سنه نیجه مکاتب جدیده کشاد ، و هر طرفه اهل وارباب خواجکان و مدیران معارف تعیین واعزام ایدیله کلمکده اولغله ، البته که عن قریب الزمان ممالک محروسهٔ شاهانه اهلایسنک قسم اعظمی علم و عرفان قوتیه تقویتاب اوله‌رق آل عثمان دولتنک طالع فرخنده مطالعی اوج اجلاله رسیده اوله‌جقدر .

کذا شهریار اسکندر اقتدار افندمن حضرتلرینک سایهٔ سطوتوایه لونده جنود بریه و بحریه جه مشهود چشم ابتهاجز اولان تراید قوت و مکت ، الیوم دولتمزک قوهٔ عسکریه جه برنجی درجده بولنان دولتر صره سنده بر موقع رشک آورده بولمنسه مدار اولمشدر .

هله ولی النعم افندمزک ذات نادره الصفات همایونلری ، روح مجسم عدالت و مهربانی وصفنه ماصدقدر . نته کیم مرحت سنیلری ، هر کونا فلاکتزدکانه همان مددرس اولمقده ، عدالت فاروقیلری مکسنه یی مغدور بر اقامقده ، ونفس قهر و تدمیرده بیله مزج شفقتله بعض احوالده ابراز سماحت جلیله بیورمقده درلر .

ایمدی بویله بر حکمدار عالیتبارک حکومت پدران و مشفقانه سی ، زیر دستان شاهانه لریه نیجه قیمتی و معزز اولسون ؟

اشته ارمنی تبعهٔ صادق شاهانه لری دخی ، نعمت تابعیتیه متمتع اولدقلری خاقان پیمدانی ( سلطان حمید ) خان ثانی حضرتلرینک اقلیم قلبی تسخیر ایدر اشبو اوصاف نادرهٔ جهانبایلرینه واله و حیران اوله‌رق و ذاتاً ده

ذات حضرت ملڪدارى ، تخت جليل عثمانى يہ ۱۸۷۶ سنہسى  
 اغستوسنڪ اون طقوزندہ بالغز والشرف جلوس بيورمشارد ر . اول  
 کوندن بو کونہ نہ بيوک فرق نہ بيوک ترقى ! ملك و دولت اول شاه  
 حڪمتپناھك اداره رويتمندانہ و عمرانكسرترانہ سندن اقتطاف اثمار بيشمار  
 ايلشدر . اول امرده دولتك خارجى پولتيقهسى يولنہ كيرمشدر . بو  
 كونكى كون هيچ بردول و حكومت دولتمزہ خصم دكلدر . سلطنت سنيہ  
 عثمانيه عموم دولتر ايلہ دوست و مسامت اوزره اولوب جلهنك حرمت  
 و امنيتنى استحلاب ايلش ، و مذاكرات دوليده نافذ الكلم بولشمشدر .  
 نفس اوروپايلرك تسليمكردهسى اولدينى وجهلہ ، سلطنت سنيہنك سياست  
 خارجيهسى ، ذات فلاطون صفات حضرت شھريارينك بالذات اداره  
 مصلحت بيورملرى سايه سنده كسب مهارت تامہ ايتمش ، و بو مهارت ايسہ  
 دولت عليہنك جميع منافع خارجيه و داخله سنى تحت تأمينہ آملقلہ برابر  
 صلح و صلاحك دوام و بقاسنہ مدار اعظم اولمشدر .

سايه عمرانوايه حضرت ملڪداريده مملكته اجرا ايديلان اصلاحات ،  
 هرطرفده ساحه آراى بروز اولان انشاءات و تأسيسات نافعه ، كرمى تاملہ  
 انشا ايديلان تيمور يوللر و شوسدللر ، ايشلديريلان نوانو معدنلر ، عثمانلو  
 بانديرهسى زيرنده مباحى اولان جديد واپورلر و واپور قومپانيه لرى ،  
 پوستہ و تلغراف مخبراتنك توسعى ، ودها بونلر مثللو مؤسسات نافعه سائرہ  
 ينہ اول شاه و الاسانك آثار قيمتدارى دكليدر ؟ آيا بونلر جلوس  
 همايونلرنندن اقدام وجودپذير اولمش اوليديلر طبعيله لطيف و جوهردار  
 اولان بو ممالك و سيعہ عثمانيه ي معيشته بوندن زيادہ رفاه و سعادتہ  
 كورہك دكلى ايدك ؟

معارف بختنہ كلنجہ ، حامى عرفان و كالات اولان شوكتلو پادشاھمز ،  
 ممالك محروسہ شاھانہ لرينك هرطرفندہ ، درجہ ابتدائيه و رشديه و عاليہدہ  
 علوم و معارفك انتشارينه بادي و مشوق اعظم اولمشارد ر . مملكتمزك لك



حضرتلرینک بر کوتنی بیک ایلسون . تحت سلطنت سنیدلرین ابد الابد  
ذات اقدس همایونلریله مشرف و مؤید ایلسون . دشمن دولتی قهر و  
پیشان اولسون . بتون هیئت ملت عثمانیدی سایه همایونلرندن آیرمسون  
آمین هم آمین .

کذلک دیلیم که ، شوکتآب افندمزک جیج امنای کرامتی ، یعنی لیل  
ونهار اغور سنیده بذل وجود ایلان اولیای امور حضراتی ،  
از آنجمله زیر اداره روتمندانه و پدرانده هممه آن آسوده حال بولندیغمز  
والی والا شامز دولتلو پاشا حضرتلریله سائر ارکان ومأمورین ولایتی  
موفقیات جلیله وتلطیفات سنیهیه مظهر ایلسون آمین .

( مهری )

---

۲

جلوس همایون نطقی

افدیلز !

بو کون عموم تبعه وزیر دستان شاهانه ، متبوع مخم و معظمز  
شوکتلو قدرتلو کمال مرچتلو پادشاهمز ، سلطان غازی ( عبد الحمید )  
خان ثانی افندمز حضرتلرینک تحت عالیجنّت عثمانییه شرفبخش شکوه  
اولان جلوس میامن مأنوس همایونلرینک اون دردنجی سنهسی اولمق  
مناسبتیله کال درجه اجرای مسرت ایلمکده درلو .

بر دفعه اوراق حوادثی اله آلهلم . او ندر وقت وقت الکامزک  
 بو و یا شو نقطه سنده آتش خاتمانسوز ناکهان پارلیوب بیکلرجه اما کن  
 ودکا کینی منقلب دود ورماد ایتمکده ! یا بر سیل بلا آژدر مثالی قوپوب  
 بیکلرجه نفوسک خاتمانی صویه غرق ، و یا بر ظالم قورافلق قوجه بر  
 مملکتی قاورایوب یوز بیکلرجه جانلری لقمه نانه محتاج ایتمکده ! پس بو  
 احوال سفالت اشتمالده جلهیه حضریتیشان کیمدر ؟ دکلی اول شاه  
 والاشان ! بونجه غوائل بونجه آفات کچدی مصابیدن قغیسی حصه مند  
 الطاف واعطاف حضرت جهانبان اولمدی ؟ و مایوس وبی درمان قالدی !  
 اولیه ایسه بونه دریای مرحت بونه خزینه لایفی کیم حد و تعداده  
 سیغماز بونجه بیچارکان مصابین بالغاً ما بلغ مسرور و متسلی اولمقده !  
 سوکیلو آتالر بونجه یاش یشامش ، بونجه پادشاهلر کورمشسکر .  
 آیا بو درجه میتلی دور ترقی وسعادت کورشمیدیکز ؟ باقک بردفعه شو  
 آثار سایه همایونه . هر بلده ده ، هر قصاده ، بلکه هر قریه ده منابع  
 فیض و عرفان اولاد وطنه نور کال صاحبده ، طرق و معابر جسمیه  
 تجارت و زراعت و سعت و یرمکده ، نصف وانتظام تام محاکم کسنه یه آه  
 چکدر مامکده ، امور دولت هپ ایادی مستحقینده ، کروه ظله همان  
 پنجه قهرده ، جنود ظفر موعود ملوکانه سرتاسر ترقیات و تسلیحات نوانو  
 زمان ایله استکمال قوت ایلوب اعدای بدخواهمز نکونسار بولنمقده ،  
 والحاصل حکمداران واعیان اجانب سوکیلو پادشاهمزک حب و توجهنه  
 اشتیاق ایتمکده ، دها ده بولسان عاجزانه مله قغی برینی تعداد ایدهیم ،  
 هم نه حاجت معروفی تعریف ایلیم .

همان دیل و جانمز شو قالب ملوکانه ده ایکن بارکاه خدای متعال  
 حضر تدرینه دستکشای دعای اخلاص اوله رق جله مز یکر بان دیلیم که  
 جناب رب العالمین ، سوکیلو پادشاهمز شوکتلو مهابتلو  
 جمیع عالمه مرحتلو سلطان ( عبد الحمید ) خان ثانی افسدمز



## ولادت همايون نطقی

افندیلر !

بوکون سوکیلو پادشاهمز متبوع مفخممز بیوک (عبد الحمید) خان ثانی  
افندمز حضرتلرینک مبارک و مسعود یوم ولادتلیدر . هم بوکون ،  
محضا جناب ذوالجلالک جمیع عالمیانه خصوصیه ملت معظمه عثمانیانه  
بخشایش عال العال ربانیلری اولمق اوزره ، بودار دنیایه عنایت بیوردقلری  
اول ذات ملاءکسمات و نادر الصفاتک ولادت با سعادتلیله نور بخش عالم  
اولدقلری یوم فیروزک قرق یدنجی سنه سیدر .

ایمدی موتلو بزلره ، موتلو جمیع عالمه ، چون ذات همایونلرینک  
قرق یدنجی سال مبارکترینی کورمکه نائل اولیورز .

عزیز وطنداشلر ! عقل و درایتده یکتا ، شفقت و مرحمتده جهانیه  
حیرتما ، شوکت و سطوتی اعدای بی امانه دهشت افزا اولان بویله بر  
پادشاه عظیم الاشباهک هر بر کونی هر بر ساعتی البته که عموم عثمانیانک  
سرمایه بقا و حیاتلریدر .

عجبای ولی النعم افندمزک تحت عالیخت عثمانییه مینت بخش جلوس  
اولدقلری روز فیروزدنبرو بر کون کچدیمی که دولت و ملت اغورینه  
یکیدن یکی ، وما سبقنه فائق صورتده جسیم وکلی ، لطف و احسان و  
آثار غمران شاهانه لری ساحه پیرای عالم بروز اولمسون ؟



PN

6129

T8N8

1891



Nutuklar mecmû'ası

# نطق الحکیم

مقامه مناسب بر خیلی نطقری جامعدر

اثر

مهری

عن مترجین باب سرعسکری و معلین لسان عثمانی

—

جزء اول



قسطنطینه

[استبان مطبعه سی] عتیق ضبطیه سواقغنده — نومرو ۶۳

۱۳۰۸





# نظرات محمد علی

مقامه مناسب بر خیلی نطقری جامعدر

اثر

مهری

عن مترجین باب سرعسکری و معلمین لسان عثمانی


جزء اول



قسط: نطینه

استپان مطبعه‌سی [عتیق شطیبه سواقعتده] — نومرو ۶۲

۱۳۰۸









**PLEASE DO NOT REMOVE  
CARDS OR SLIPS FROM THIS POCKET**

---

**UNIVERSITY OF TORONTO LIBRARY**

---

